

KRISTO ULA YUBUNUNWA

MU IJWI LYAKWE MWINI



Atu kotamike mitwe yesu. Mwami Jesu, Mweembezi wa Butanga bupati, tuli mu nkoloto maningi cakulumba kuli Nduwe, Mwami, cakuti ta tukonzyi Ku kubbadela ku luyando olo Yebo ndokatila cakupaya mu myoyo yesu. Tuli mvwa kuteelela mbuli mbo tu kotamika mitwe yesu a kwiima mu busyu Bwako. Twa Ku lomba kuti utusalazye kuzwa ku tumpenda toonse a zibi zyoonse. Twa lomba kuti Uyo yumya mibili yesu sunu. Banji bali cisidwe a kupenga, mbuli mbo ku tondezegwa awa, ku tutambala a nkumbizyo ka zinjila kwiinda ku mafooni a masena oonse.

² Elyo tula syoma kuti tu boola ku magolelo a makani aakale aa nyika eyi lino, alimwi kwalino ciindi ciyo zimaanina mu Butamani, nkabela tu yanda kuba bali bambilide ku oora eelyo. Ako nke kaambo nco twa bungana kuno kuseeni oku, nku libambila ku ciindi eco. Nda ambilwa kuti kuli zibelesyo zyakukwabana ku luwaile zinji kuseeni oku koonse ku cisi, kuzwa ku nkomwe kusikaku nkomwe. Kufumbwa ku busena majwi eesu nkwaazwida, akube kuti inkamu eyo niini ilelekwe. Koponya baciswa abo bali aakati kabo, alimwi Nda lomba kuti Uyo salazya buntu bwabo kuzwa ku bubu. Elyo kotugwasya kuno kuseeni oku, ku cikombelo, kutegwa aswebo inga twa botelwa ku coolwe eco cipati.

³ Elyo twa lomba kuti Uyo kanana kuli ndiswe kwiinda mu Ijwi Lyako lilembedwe, alimwi akube kuti Muuya utu yubunwide zintu ezyo nzyo tubulide, mbuli mbo twa bungana cisi coonse lino, kulimvwa kuti tuli bantu batakweankobaya, pele tuli jisi busena aakati ka bakanununwa, nkaambo tula syoma aali Jesu Kristo. Ko tupa zintu ezi, Mwami.

⁴ Elyo cindi twa jala kuswaangana a kuunka ku maanda eesu aindene koonse ku cisi, akube kuti twaambe, mbuli abo bakazwa ku Emmau, “Sena myoyo yesu tii yapyo muli ndiswe mbuli Mbwa ambaula kuli ndiswe antoomwe mu mugwagwa ciindi coonse?”

⁵ Lino, Taata, Ndi lizi kuti kufumbwa cintu ncenga Nda amba inga caba citakkwanisyi ncobeni, a i—i Banakristo babotu cisi coonse lino abo baswiilila ku maredio, inga tee—inga tee caba cikikutya. Inga tee caba cintu cimwi eco nce Ndi konzya kwaamba eco cinga cagwasya kuli koonse, nkaambo tuli mu ciimo comwe toonse. Tuli bantunsi, bafwika. Pele lekela Muuya Uusalala mulemu ukanane; akube kuti A bweze Ijwi a kuli yubununa buyo Mwini. Tula lindila kuli Nguwe lino, mu Zina Iya Jesu. Amenii.

Inga mwa kkala.

⁶ Nda baanga...kuli gambya ndemwini. Nda kaambila mukaintu wangu, ikuti na ula swiilila kuredio, ku musanza mu Tucson, kuti tii Ndali kuyeeya kuti inga Ndi nooli jisi kuswaangana kuli koonse cindi Nda joka; alimwi tee Nda letelele akwalo zisani. Elyo Nda amba kuli mukamwanaangu, waa ka haina bbaki lyangu, elyo Nda kati, “Ndi nooli kunze lya cikambaukilo, a . . .Tii bakazi kuti bulukwe musyobo uumwi a bbaki ndimbi.” Zyalo nzizyo nze Nda kasama ku ng’anda. Pele, Meda, waa kacisa shaati lyangu a zintu zyoonse, aboobo zyoonse . . . Muta pengi; zintu zyoonse zili kabotu.

⁷ Lino, tu jisi nkumbizyo ano, kuteeti kuli mukwesu uuyandwa loko...Elyo Ndi yeeya kuti—kuti Prescott, Nda syoma, ulaswiilila kucibelesyo cakukwabana kuseeni oku, kutala mu—mu Prescott, Arizona. Bawisi ba Mucizi Mercier bali mu lweendo lwabo ku muswaangano, Ndi mwana kuti, alimwi wakacitwa kutolwa ku cibbadela mu kulwanwa kwa moyo, Mukwesu Coggins. Elyo, awalo, Mukwesu Junior Jackson, Ndi yeeya kuti nkwali ku kapepele katobela kunselelo, na ku luwaile luccilila kunselelo mu Clarksville na New Albany, alimwi bawisi bali mu cibbadela, mbo Ndi mwana, a kupandulwa kwabuyumu ikwa kkulenge aa muni. Aboobo tu yanda ku bayeeya ncobeni abo mu mipailo yesu. Alimwi eno kuli bambi kuno, abalo, pele ta tuyandi kumana ciindi. Leza ulizi makani oonse abo, aboobo atu bakombele eno.

⁸ Oyandwa Leza, muntu oyo uuyadwa, mudaala, wa janza lisutene, Mukwesu Coggins, siluzibo wakale iwa mulimo, wa . . .ulilede mu cibbadela kuseeni oku, kubusena bumwi, kaciswa kulwanwa kwa moyo wakwe. Leza, oyo moyo wakaindi utakweankuuya wakainda mu mapenzi maningi. Nda lomba, Leza, komu gwasya. Ko cipa. Ula yanda . . . Ula botelwa buumi mbuli toonse swebo mbo tu cita, alimwi uyanda kupona. Mwami Leza, ko cipa. Swebo ku cisi coonse twa komba mu Zina lya Jesu nkambo ka nguwe, kutegwa Yebo umu ponye a ku mugwisya. Tula syoma kuti Ula cita; uno boola nkoonya ku muswaangano.

⁹ Twa kombela Mukwesu Jackson, bawisi bakwe bayandwa balede kuya muni lya lufu eno, a ku leta mulombe mubotu mu nyika mbuli Junior. Nda—Nda—Nda lomba, Leza oyandwa, kuti Uyo muponya. Ndi lizyi ciboneka kuta konzeka. Basilisi, madokotela, ta—ta bazyi eco cakucita mu musyobo oyo wa bulwazi. Pele twa yeeya Mukwesu Hall, awalo, kuciindi basilisi baina maningi kuno noba kaamba, mu Louisville, kati, “Wa caazyaa maora masyoonto akuti kacipona,” ku kkulenge lya muni. Kwalo ulapona asunu, alimwi eyo myaka iili makumi obile ayosanwe yainda, nkaambo ka luzyalo Lwako. Aboobo Nda lomba kuti Uyo ponya Mukwesu Jackson sunu, Mwami, kolekela luzyalo Lwako a luse zibe a nguwe.

¹⁰ Elyo mulwi oonse oyu wa tutambala a tusila a zintu ezyo zibikkidwe awa mu nkumbizyo; Yebo uli bazyi boonse, Taata. Nda lomba kuti Uyo pa kuponesegwa kuli boonse babo. Mu Zina Iya Jesu Kristo. Amen.

¹¹ Lino kutalika, kuseeni oku, tii Nda yeeya kuti ni Nda boola kunselelo, ku matalikilo, Munsondo yainda. Elyo mpawo alubo, cindi ni twa kacaambilizya, Nda kaboola kunselelo. Mukwesu Neville wakacita kuti ndikanane! Elyo mpawo inga twa kaambilizya kuti tulaba kunselelo sunu, alimwi tii cakazibisigwa ku masena oonse aa cisi ku bantu. Elyo tuli jisi bubambe obu bwa telefooni eno, buli mbubotu loko, loko. I bantu inga bakkala moonya mu maanda abo na abo. . . bungana mu masena abo, mabungano abo, a zimwi zimbi, a kumvwa kuswaangana. Nda lumba eco.

¹² Lino Nda bona kubikkidwe awa, kwakali nkumbizyo zinji eyi mvwiki yainda, aali eco nce Nda kaamba Munsondo yainda aa Mulumbe. Nda syoma Nda luba obo mbo Nda kaupa mutwe eno. Pele Nda kaamba cintu cimwi kujatikizya kubbadela nkongole zyako. Alimwi nywebo mulizi, takukwe makani eco ncoamba, ta cimvwigwi kabotu ku banji. Kutali kaambo ba. . . ta ba yandi kukakilwa kucimvwisya, pele mukacilwa buyo ku cimvwisya.

Elyo eno muntu umwi wakati, “Sa tweelede kuula mootokala?” Na, “Ino Mebo ndeelede. . .”

Lino, eco tacili ncico Jesu nca kaamba, na Bbaibbele kuya, eco cakati, “Mutabi a nkongole ku muntu.” Ezyo ni nkongole zyakaindi loko ezyo nzyo mukonzya kubbadela. Amu zibbadele. Ta caa. . . Oko nko kutaba a nkongole ku bantu. Ta caambi. . . Ma, tuli jisi nkongole ya zibbadelelwa, tupepa twesu twa zikwelete zya mafooni, tu. . . a zimwi zimbi. Tu—tu lijisi zikwelete ku zintu ezyo, alimwi tula zibbadelela. Pele, nkongole yakaindi loko eyo njo konzya kubbadelela, koimanizya kwiibbadela. Mwabona? Lino, muta inki a cintu cili coonse kacijatilide kuli ndinywe mbuli obo.

¹³ Nda yeeya cindi ni Nda kacisidwe, ciindi cimwi ni Nda kali mulombe. Nda kazwa mu cibbadela nkeli aa nkongole iitandila madollar aali zyuulu zyoobile. Elyo kwakali kunga kuli cintoole ca misamu kuno, Ba. Swaniger, Nda kajisi nkongole yakwe iitandila ku madollar aali myaanda yotatwe na one, cikwelete ca misamu. Taaka ndizi akwalo. Elyo mwaalumi. . . Nda kainka kuli nguwe. Tee ndaka muzyi. Elyo wa kaituma buyo kutala kuya, nekuba, takakaka kwiituma. Elyo Nda kati, “Ndi jisi cikwelete kuli nduwe.” Elyo Nda kati. . . Nda syoma, Swaniger. . . Wa kali Ba. Mason kunselelo ku Kagwagwa Kankuta a Spring.

Elyo Nda kati, “Ndi jisi cikwelete kuli nduwe. Elyo Ndi—Ndi cikompeme maningi, pele Ndili mukusola kuya ku ncito.

Lino, ikuti na tee Nda konzya ku kubbadela . . .” Nda kazwaa kuba Munakristo. Nda kati, “Cintu citaanzi, Ba. Mason, mbuli mulimo wangu kuli Leza, Nda cikwelete ca kwakkumi kwangu kuli Nguwe. Ndi yanda ku Mu bbadela zimanyakkumi zyangu, kusaanguna.” Elyo Nda kati, “Mpawo mulimo wangu uuccilila nku bbadela nkongole zyangu.” Nda kati, “Bataata bala ciswa kanji, alimwi wa . . . Elyo ujisi . . . Kuli swebo to bana bali kkumi mu mukwasyi.” Pele Nda kati, “Njo . . . Ikuti tii Nda konzya ku bbadela maseenti ali makumi obile aosanwe buyo aa kapepa ako kacikwelete, buzuba abuzuba bwa kuvola; ikuti na tee Nda konzya ku bbadela akwalo maseenti aali makumi obile aosanwe, Njo boola kubusena a ku kwaambila makani a ncico. Njo kwaambila, “Ta—Ta—Ta ndikonzyi ku cicita ciindi eci.” Lino, ku lugwasyo lwa Leza, Nda kabbadela koonse kwa nkuko kumaninina. Mwabona? Pele eco ncencico nce Nda kali kupandulula, mwabona? Muntu umwi kaamba buyo . . .

¹⁴ Oh, Munakristo umwi ku cikombelo ciindi cimwi wakazwa a kujana ncito imwi yakacitwa ku mootokala kuno, elyo mwaalumi wakaboola kunselelo . . . I mwaalumi wakati, “Njo kubbadela. Nda kavola mu Mujibelo,” na cintu cimwi cimbi. Elyo taakwe naka mubbadela. Nkabela mvwiki a mvwiki zyakakulauka, nkabela taakwe naka bbadelwa, taakwe jwi lya kaambwa. Elyo—elyo mwaalumi wakaboola a ku ndibuzya, wa kati . . . Mwabona, ci tondezya bubi ku mbungano. Ci tondezya bubi kuli Kristo.

Yebo na to konzyi ku mubbadela, koya ukamwaambile, kuteeti, “Ndi jisi cikwelete kuli nduwe, nkabela Njo ku bbadela. Ndili Munakristo, pele Ndi—Ndi buyo . . . Ta ndikonzyi kucicita ndyoonya eno, Nde elede ku . . . Ndi jisi cikwelete eci.” Elyo, amuyeeeye, cili aa mabbuku aa Leza akwalo, nywebo mulizi, kuti mu cite. Aboobo eco . . . Ndili mukusola, lwangu a kuli ndiswe toonse antoomwe, kusola kuli bambila, nkambo tu lizi tuli mu kuswena ku cintu cimwi, kuswena afwaafwi kwa cintu cimwi ciyo citika. Aboobo tu yanda kuli bambila. Cindi ca Kuboola kwa Mwami kuya buswena aafwi loko eno, tu yanda kuli bambila ku oora eelyo pati.

¹⁵ Lino tu yanda kuli bambila a kwaambaula eno aa ciiyo cisyoono kuno eco nce Nda salila kuseeni oku, ku lugwasyo lwa Mwami. Elyo tuyo kanana buyo mu bufwaafwi mbuli mbo tu konzya, nkaambo ka zibelesyo zyakukwabana zya bantu. Nda syoma nyoonse mu jisi i . . . boonse ku cisi, bajisi cifumo cibotu mbuli mbo tu jisi kuno mu Indiana. Bube bwaciindi, bubotu, butontola mbo tu jisi eno kumane mvula. Alimwi kuli kabotu.

¹⁶ Lino Ndi yanda kubala kuzwa ku Bbuku lya ba Hebrayo, capita 1; a kuzwa ku Bbuku lya Musalali Johane, capita 1. Hebrayo 1:1 kusikaku 3, a Musalali Johane 1:1, ku cibalo. Ciiyo cangu kuseeni oku nkulangalanga mu Malembe. Lino atu bale ba Hebrayo 1:1.

Leza, walo mu ziindi zyakale...ziyanza zyaandeene wa kaambaula mu ziindi zyakainda kuli bamatata kwiinda ku basinsimi,

Pele ku mazuba aya aa mamanino wakanana kuli ndiswe kwiinda ku Mwana wakwe, oyo walo ngwa kasala kuba muswaana ku zintu zyoonse, kwiinda kuli oyo akwalo wa kaanza nyika;

Walo mbali mu kumweka kwa bulemu bwakwe, a... cikonzya icizibya buntu bwakwe, a kuyumya zintu zyoonse ku ijwi lya nguzu zyakwe, cindi walo lwakwe naka salazya zibi zyesu, wakakkala aa janza lyalulyo lya Bupati kujulu;

Ino nkubala kubotu! Lino mu Musalali Johane 1:1.

Ku matalikilo kwakali Ijwi, a lyalo Ijwi lyakali antoomwe a Leza, elyo Ijwi wakali Leza.

¹⁷ Lino, a cibalo cangu kuseeni oku ngu: *Kristo Ula Yubununwa Mu Ijwi Lyakwe Mwini*. Lino, awo mpo Nda boola ku kumaniniza kwa mubandi aali eci, wakali nkaambo kakuti... Mukuziba kuti eco nco twaamba ta tweelede kwaamba buyo nkaambo tuli bungene antoomwe ku kanana buyo ca cibukilambuta aa cintu cili coonse, pele ncintu cimwi eco ciyo gwasya kusitikizya bantu, nkambo tuyo inda mu meenda, aa ntenda akutakwe busyome. Tuli mukwiinda muli ngawo kale. Elyo ziindi zimwi Nda yeeyela cili a nduwe mbuli mbocibede a ndime, eco ciboneka mbuli eco, maningi loko kuli ncico, cila yoosya maningi.

¹⁸ Ndali kwaambaula buyo ku mukutausi mukubusyi a mukaintu wakwe, mu kaanda, imbali buyo zisyoonto zya ciindi cainda. Alimwi boonse babo bala libilika buyo mbuli bamwi ba nyika, bamwi bantunsi aansii. Nda kati, “Amuyeeye, Saatani ujisi kuuma kuboola kuli ndinywe.” Takwe ndaba na nduweni, Leza...Ulijisi nguzu ku kuuma oko komwe. Ino inga wasala kuba cili, kuuma oko; kuba moofu, na kuba sicoondamazwi uukkede mu cuuno, na kuba sikulibilika? Mwabona? Walo ulijisi a busena bumwi mpa konzya ku kuuma. Nkalo uli jisi nguzu zya kujula busena obo. Lino, ako nke kasena nkoelede kuvumba ciindi coonse. Alimwi kubona bukkalo obu bwa kulibilika obo mbo tupona mo!

¹⁹ Elyo mateepu aa mvwiki yainda, Ndi yeeya kuti, ayo muyubunwida zintu zisesemya zipati ezyo nze tuyo kanana bumwi bwa mazuba aya cindi twa kukonzya kujana busena bweelede, ku julwa kwa zipenzyo ezyo zya mamanino zyelede kutilwa koonse aa nyika, Mitiba eyo, mubwini, kutilwa koonse kwa Mitiba, a Mizumo iili Ciloba, a kuboneka oko kusesemya oko kuboola aa nyika. Muntu eno, a bantu sunu, bali muciiimo cakunyongana nsinga maningi; nyika yoonse!

²⁰ Amu kabale eyo *Reader's Digest* iya mweezi wainda, muyo bona ciyo muya; cili aali Billy Graham, muvangeli mupati. Wa kakatala loko cakuti ta cikonzayi kuba a miswaangano yakwe, alimwi wa—wa kaunka ku cibbadela ca Mayo kuyo langwalangwa kwabusilikwe bwamubili. Kwakanyina cintu cakalubide a nguwe, buyo ta citi mulimo uukubwene. Elyo baka mubikka mu kuzuza; kunyanyaazya kwamubili. Ula zuza maele yomwe buzuba abuzuba.

Elyo mpawo bulembo bula zumanana kwaamba kuti sayansi yatondezaya kuti sunu, kuti bana baniini, balombe aba baniini a basimbi, “balasika ku myaka yabo yakukomena yaakati ku myaka ili makumi obile yakukomena.” Elyo kusika ku makumi obile ayosanwe, ziindi zinji, mu twaambo tunji, basimbi balazibwa kuya kumweezi, ku myaka iili makumi obile ayosanwe yakukomena.

Ta ndizi na mwakali cizyi na pe, pele mazuba a busiku masyoonto ainda kuciindi Muuya Uusalala ni wakali kwaambaula kuno mu muswaangano, musimbi muniini uukkede awa, eco nco ncico cakalubide ku mwana oyo cindi ni cakaitwa. Nda kalanga kuli nguwe ciindi cabili, kalanga alubo, alimwi Nda kabona eelyo lya kali penzi. Nda kayeeya, “Ta cikonzayi kuba; mwana oyo muniini loko.” Pele kwakali kutainka kumweezi, kutandila myaka iili makumi obile yakukomena, makumi obile ayotatwe, cintu cimwi mbuli eco. Mwabona?

²¹ Baama a banyoko bakasika ku myaka eyo yakukomena kutandila makumi one ayosanwe kusika ku makumi osanwe. Mukaintu wangu wakasika ku myaka eyo yakukomena kutandila makumi otatwe ayotatwe. Lino cili aansika kusika ku makumi obile. I mukowa oonse wa bantu uli boledede. Ee, ikuti na bwalo bupange bwakunyama ibwa mubili wesu buli mukuyabaala mbuli obo kuzwa kukulya zyakulya zyaka tintanisigwa, kupengana, kwakapa kubola, sa taubambi kuti maseelo a boongo abole aalo? Mpawo inga twa bona banakazi nzila mbo banjila mu tugwagwa, acinswe. Inga twa bona nzila mbo bakonzaya kubalika kwiinda i—i mu tugwagwa ku mamaile aa mwaanda a makumi obile mu oora lyomwe, zintu ezi zyoonse. Ca boola ku busena oko cisi mbo cizulwa, nyika mbiizulwa, kutali buyo cisi eci, pele ku masena oonse, kupilingana kuyeeya.

²² Elyo mpawo cindi twa jula ezyo, Mwami na wayanda, ku Mitiba eyo iili Ciloba a kutondezaya zintu ezyo zisesemya. Bantu bayo sondoka maningi, kwa kwiinda ciindi, mane bayo eezezaya kuti babona tuuka kuba musela wa dundu. Ziyu penzaya banakazi; ku cisozi ciyo boola aa nyika, a boya bulamfu, kupenzaya banakazi abo bagela masusu abo; masusu mbuli banakazi, kaalengelela aansika; a meno malamfu, mbuli mulavu; tulumyo ku micila yato, mbuli tubanze, a—a zimwi zimbi, kupenzaya bantu aa nyika. Pele mpawo ciindi cinomanide kale

kucita cintu cili coonse a ncico. Mwa cimvwisya kabotu eno. Mwabona? Kupenzya!

²³ Elyo Munsondo yainda cindi ni twa kali kulangalanga mu tubalo oto, kujatikizya nzila ayo magano aali osanwe ku cilao caanze. Eyo nje nzila, magano aali osanwe ku mubili. Kuli buyo nzila yomwe mokonzya kunjilila mubili, eyo nkwiinda ku magano ayo osanwe: kubona, kulabila, kwaampa, kununkizya, a kumvwa. Taakwe nzila iimbi ya kukwaba i—i mubili.

²⁴ Kucibeela camukati ka muntu oyo ngo muntu uutegwa muuya, alimwi uli jisi magano aali osanwe: kuyeeya, muzeezo . . . a muzeezo, a luyando, a manjezeezya, a zimwi zimbi. Ncibotu.

²⁵ Lino, yebo tokonzyi kuyeeya kubelesya mubili wako. Yebo ula yeeya kubelesya muyeeyo. Elyo mukati muya mpe mpawo bunji loko, bwa Banakristo, mpo baimina buyo. Alimwi bala konzya, mbuli buyo mapopwe mu muunda a nsaku mu muunda, zila konzya kunanikwa a Muuya Uusalala nguonya oyo musyomi wakasimpe ngwa nanikidwe awo.

Pele kungsi kucibeela camukati ca ceeco, cilao ciccilila, cilao catatu, ngo buntu; nkabela obo bwakakanzwa aa Leza. Mpaawo awo buumi bwambuto iini mpo bubede, mukati muya.

²⁶ Elyo, amuyeeye, ikuti na Nda bweza insoke a kwiiijula, kwiikuna muli njiyo moyo wa i—wa whiiti a kwiibikka mukati muya, kwiizikka, inga yazyala whiiti kuzwa ku insaku eyo; takukwe makani kuli eco caanze mbo cibede, kwa kulimvwa.

²⁷ Sunu, kunyongana maningi kujatikizya citondezyo ca Muuya Uusalala, a zimwi zimbi. Saatani ulakonzya ku kkopela musyobo oonse wa ciwego eco Leza nca jisi, pele ta konzyi kuleta Ijwi eelyo, Ijwi ku Ijwi. Awo mpempawo mpa kakacilwa mu muunda wa Edeni. Awo mpempawo mpa kacilwa lyoonse. Awo mpempawo balo, teepu aali “bantu, bananikidwe babeji,” na bantu bananikidwe; bala konzya kunanikwa a Muuya, kwaambaula mu myaambo, kuzyana, koongolola, ku kambauka Makani mabotu, kwalo kacili dyabulosi.

Ngu camukati! Lino amuyeeye, Jesu wakati, “Boonse abo Taata mba Ndi pa bayo boola kuli Ndime. Taakwe muntu ukonzya kuboola cita Taata Wangu wamukwela kusaanguna.”

Lino, twa kabweza kwiinda mu ciyo, ku tondezya eco mu . . . Yebo wakali muli syanyookulu-mupati-mupati-mupati, ciindi coonse kuzwa kaindi, kwaambaula cakunyama. Mpawo, obo mbombubo mbobede mu buntu bwa kunyama, bulenge. Ziindi zimwi mwana uyo zyalwa mu mukwasyi, kajisi masusu aasubila ku mutwe. Cila gambya bawisi, nkaambo kwiina muntu ngwazi, wa bantu bakwe, wamasusu aasubila ku mutwe, na aa banyina. Pele ikuti na mwajokela kaindi ku mazyalani aakubwene, muyo jana kuti kwakali muntu umwi wakali aa masusu aasubila ku mutwe. Eyo mbuto ila zamanana kuyaansi, elyo mulaba bulenge bwa umwi kuzwa kuli yakaindi.

Mbuli ba Hebrayo capita 7 yakati, kuteeti, “Melikisedeki, Abrahamu wakapa kwakkumi kuli Nguwe cindi nakali kubweeda kuzwa ku kujaya bami. Alimwi Levi, oyo wakatambula kwakkumi, wakapa kwakkumi,” nkambo wa kali mu zikungu zya Melikisedeki ku...na, “zikungu zya Abrahamu,” mubwini, cindi na kaswaana Melikisedeki.

²⁸ Lino cintu nciconya eci mbocibede. Ikuti na uli mwana wa Leza, alimwi ikuti na Ndili mwana wa Leza, na mwana musimbi wa Leza, twa kali muli Leza ku matalikilo. Alimwi mpawo Jesu wakaba buzule bwa Ijwi, mpawo twa kali muli Nguwe, ciimo cambuto. Cindi Na kabambulwa, twa kabambulwa mu mubili Wakwe. Cindi Na kabuka kuzwa ku bafu, twa kabuka a Nguwe. Elyo eno, mbokunga twa ciziba, “eno tuli kkede a Nguwe antoomwe, mu myeenya ya Kujulu muli Kristo Jesu.” Mwabona? Nkambo Walo...Swebo, ikuti na tuli bana balombe a basimbi ba Leza, tuli bana ba Leza, nkokuti tuli bube bwa Leza. Mpawo swebo twa...jisi Buumi Butamani. Elyo Leza ngo Buumi Butamani luzutu buliko. Mpawo, twa kali muli Nguwe kuzwa ku matalikilo. Elyo cindi Jesu nakaba Ijwi eelyo lyoonse, nkokuti twa kali cibeela Cakwe kaindi. Ameni! Nceeco we. Omo mukati muya, mpawo kwiina dyabulosi, kwiina nguzu, taakwe cintu cikonzya kusola ku cipusya. Eco nce cimaninizyo ca buntu.

²⁹ Yebo ulakonzya kunanikwa aanze *awa*, mu muuya oyu, a kuyandisya, a kucita zintu ezi zyoonse zimbi. Pele cindi caboola ku cimaninizyo ku Ijwi eelyo, toka zungaani kuzwa kuya. Ciyo jata kabotu mba a bwini, ku Ijwi eelyo, mbuli mbo cikonzya. Aanze a ceeco, takukwe makani eco nco cita, uci sweekede.

³⁰ Obo Bukkalo bwa Mbungano ya Laodikeya, “bwacinswe, boofu, bupengede; ta bu cizyi akwalo.” Mwabona, ngu caanze... Ngu ceeco cinanikidwe, cinanikidwe a Muuya wakasimpe. Mwabona, oyo Muuya Uusalala ulakonzya kuwida aa muntu, mu muuya wakwe. Pele buntu bwakwe ne mbuto yakwe; mbuto eyo ndi Ijwi. Mwabona? Elyo nzila...Ta ndikwe makani obo kunji nkokonzya kukambauka, obo mbo konzya kucita kabotu eci, a obo kunji mbo konzya kuyanda; eco cimwi ca nzila ku muuya. Yebo tokonzyi kuyanda kubelesya mubili wako; yebo ulayanda kubelesya muuya wako. Eyo nje imwi ya nzila. Alimwi ulakonzya kuyanda, alimwi akwalo kuyanda Leza, pesi kotana lulama. Yebo inga watanda madyabulosi, a kukambauka, a kucita zintu ezi; kotana lulama. Jesu wakaamba obo, kati banji bayo boola mu buzuba obo. Eelyo Ijwi lya cibombomeka!

Ku matalikilo kwakali Ijwi, a lyalo Ijwi lyakali antoomwe a Leza, elyo Ijwi wakali Leza.

Elyo Ijwi lyakaba mu mubili wabuntu, a kukkala aakati kesu,...

³¹ Amubone, Ndiyo kanana aa ciiyo eci ca Bbaibbele, ica, *Kristo Wayubununwa Mu Ijwi Lyakwe Mwini*. Oko nko Nda kabamba kumaninizya oku, ndakali mu kaanda kangu.

Muntu umwi uyandwa, ndiza ulikkede awa kuseeni oku . . . Ndi jisi cifoto cilengelela mu busena bwangu bwaku balila atala kuya, eco cifoto ca *Mutwe wa Kristo* cakacitwa a Hofmann, lembedwe mu Zyoolwe. Elyo nkoonya oko nkonga wa boola ku busena mbuli mbo yanda cibeela ca masusu, ba katyanka canguzu aniini aa peni mbuli mbo inda cibeela eco. Kuya, Ngooyo mbwabede, kakkede mu Ijwi Lyakwe, kalangide nkoonya ku busena; Kristo mu Zyoolwe. Muntu umwi, naa wa kalini, Nda kulumba nkambo ka ncico.

Elyo muntu umwi wakaleta cifoto eco a ku cibikka mu busena bwangu bwaku balila kuya, ca Eliya kaya butanta mu nkalaki ya mulilo. Tula lumba zintu ezi. Ziindi zinji, makamu aa bantu manji, Ta ndina jana buyo a ciindi ku kanana a kwaamba zintu ezi, pele Nda cibona, mukwesu, mucizi. Ndi—Ndi licizi, alimwi Leza ulicizi.

³² Lino Ndiyo kanana aa ciiyo eci ca: *Kristo Wayubununwa Mu Ijwi Lyakwe Mwini*. Buti, mu Zyoolwe, mpaawo ciliimvwi cifoto ca Kristo, kaimvwi aa busena eeni, mbubonya. Awo mpempawo mpo Nda kayeeya ciiyo eci. Lino, Kristo a Ijwi nchimwi. Mwabona?

³³ Ba lati, “Mbobuti Bbaibbele mbolya . . .?” Bantu balaamba. Nda kali kweenda a mwaalumi kutali ciindi cilamfu cakainda. Wa kati, “Ko ciyeeya. Swebo ano aansii, mbuli mbo tubede, alimwi tuzi buyo na tu konzya buyo kwaamba kuti twa kafutulwa kwiinda ku kaano kabuyo ika ba Juda kategwa Bbaibbele.”

³⁴ Nda kati, “Munene, Ta ndizi nzila mbo waamba eco, pele ta Ndi syomi kuti nkaano kabuyo ika ba Juda,” Nda kaamba.

Wa kati, “Ee, ula komba, ukomba kuli ni? Nda kalomba *boobu-a-boobu* a zintu zimwi; Tii ndaka zitambula.”

³⁵ Nda kati, “Yebo ukomba bulubide. To elede kukomba kuti ucince muzeezo wa Leza; twe elede ku komba kuti tucince muzeezo wesu. Muzeezo wa Leza tauyandiki kucincwa kuli koonse. Mwabona? Mwabona, mbo mbubo.” Nda kati, “Kutali eco nco kombela . . .”

Ndi lizi mulombe muna Katolika muniini, ciindi cimwi, wa kajisi bbuku lya mipailo, kwaamba mipailo, ya banyina kuti bapone. Elyo ba kafwa, nkabela wa kasowela aansii bbuku lya mipailo mu mulilo. Ee, mwabona, Ta ndi lemeki bbuku lya mipailo; pele, nekuba, mwabona, mula bweza ciimo cilubide. Yebo usola kwaambila Leza eco cakucita.

Mupailo weedelede kuba, “Mwami, ko ndicinca kuti ndeelele ku Ijwi Lyako.” Kutali, “Cinca,” kutali, “andi cince muzeezo

Wako. Kocinca muzeezo wangu.” Mwabona? “Ko cinca muzeezo wangu ku bukanze Bwako. Elyo bukanze Bwako buli lembedwe awa mu Bbuku. Elyo, Mwami, uta—uta ndilekeli kwiinka mane Yebo ukabambe muzeezo wangu—wangu kubikkwa mbuli biyo muzeezo Wako. Elyo mpawo cindi muzeezo wangu wabikkwa mbuli muzeezo Wako, nkokuti Njo syoma Ijwi lyoonse Ndo kalemba. Alimwi Yebo wakati, mukati muya, Uyo bamba ‘zintu zyoonse kubeleka antoomwe ku bubotu’ kuli balo abo ba Ku yanda. Alimwi Nda Ku yanda, Mwami. Cila beleka coonse antoomwe ku bubotu.”

³⁶ Nda kali kunselelo mvwiki eyi mu cisi, kukkala a beenzuma bamwi bayandwa loko. Nda kabuzya bamwi babo ku tafule, ijimbi, cindi ni twa kali kulya. Twa kali kukkala cakuzunguluka lyoonse a kuba kusyoonto . . . mbuli kulangalanga kusyoonto mu Bbaibbele. Kali kwaambaula kujatikizya luyando.

Elyo kwakali muntu umwi wakati kuli ndime, wa kati, “Ndi syoma kuti uli sinkondonyinakristo.”

³⁷ Nda kati, “Ikuti na eco inga cabotezya ku Mwami wangu, eco ncencico nce Ndi yanda kuba. Ndi yanda kuba kufumbwa cintu Walo ncayanda ndime kuba. Nda Mu yanda. Alimwi ikuti na We elede kuyo ndisowela mu gehena, Ndi cino Mu yanda, ikuti na Nda inka a muuya nguonya ngo Ndi jisi eno.” Wa kandilanga ca bweenzu.

Nda kabona bone na bosanwe babo kuya, baalumi bakubusyi; bamakaintu bakubusyi, banakazi babotu. Nda kalizi balo nzila mbo bakali kuyanda bamakaintu babo, aboobo Nda kati kuli mbabo, Nda kati, “Njeeyi nzila yaku cisunka. Ikuti na mukaintu wako, kotana mukwata . . . Lino, yebo wajoka, wati wa . . . buumi obu bwakukwatwa, wa kali kulota kuti wakali kwete; kwalo ncobeni kwiina no kakwete, pele wikalota kuti mbookabede. Elyo wa kasinsimuka, nkabela wa kainka a kuyo cibandika kumanizya a mweenzinyoko musimbi, a kwaamba, ‘Yebo ulizi, Nda lota kuti twakali kwetene, alimwi twa kazyala bana. Swebo ka tupa cakukkomana, alimwi—alimwi katulindila Kuboola kwa Mwami, a zintu zyoonse.’ Elyo mpawo musimbi oyu waamba kuli nduwe, ‘Yebo ulizi, Ndi yanda mwaalumi uumbi kabotu kwiinda mbo Ndi kuyanda. Inga ndaba uukkomene maningi a mwaalumi umbi.’ Sena yebo, kuzwa ku moyo wako, ku muyandisya loko akwaamba, ‘zileleko zya Leza zibe aali nduwe, oyandwa wangu. Koya a mwaalumi oyu umbi?’”

Lino, lino lingula eco, umwi aumwi wanu no baalumi a nywebo no banakazi. Mwabona? Ee, ikuti na luyando lwako luli luleme, yebo inga wacita eco, nkambo ula yandisisya mu bube bwa buponi bwabuumi bwakwe. Cintu, yebo ulizi kuti inga wamukwata, yebo inga waponi a nguwe, yebo . . . Walo mukaintu wako; walo uyooba. Walo uyo kukwata, pele ta ka kkomani. Inga

uyo kkomana maningi. . . Elyo mpawo, ikuti na ula muyanda, nkokuti umuyanda kuti kakkomene.

Aboobo, kufumbwa bukanze bwa Leza mbobubede, abulekwe bukanze bwa Leza bucitwe, naa Ndili kkomene a nco na pe. Ndi yanda kuona kutegwa Walo aka botelwe a ceeco Nce cita. Aboobo lingula kuyandisya kwako—kwako a muyeeyo wako kuli eco; ula ziba naa ula yanda Leza na pe.

Ino kuti Nda amba, “Sa uyondi belekela Mebo kakuli Njo kusowa?”

“Nda Ku yanda, nekuba.”

³⁸ Aboobo, ikuti na mabungano akonzya kubona eco a kucisyoma mu ciyanza eco, inga tee twa sola kuzompola bbola kuzwa ku mulombwana umwi cindi nali mukuzuza a njiyo. Inga uno kwabilila umwi oyo. Mwabona? Cindi, bukanze a kuyandisya kwini ncobeni, inga tee wakwaba umwi usola kwamba, “Yawe, Ndi jisi *eci* ambebo! Mebo, *eci* ndime, *eci*.” Mwabona, Leza takonzyi kubelesya muntu. Kuli kulikozyanisya kunji loko ku citobela, alimwi oyo ngu Saatani. Elyo bantu taba konzyi kumvwisya eco. Ba soleka ku gwisya bbola kuzwa ku muntu umwi oyo wapegwa njiyo. Kulekelwe Leza abusye mulimo umwi a kubona nzila banji mbo bautobela. Mwabona? Mwabona?

³⁹ Lino, luyando lwini kuli Leza, “Takukwe makani eco cibeela nco Ndi bede, Mwami, ikuti na Nda konzya buyo kwaamba ijwi lya Ncico, ko gwasya ku Ci kwabilila, andi cicite eco.” Mwabona?

Eco nce cintu nciconya cinga caba kujatikizya mukaintu wako. Ikuti na ula muyanda ncobeni, mwabona, ta cili i—ta cili i—i luyando *lwakunyama*; ngu luyando *Lwabuleza*, luyando lwini. Inga wakonzya kuona a muntu umwi uumbi, kukkomana loko; yebo to kwetwe lino, mubwini, yebo tokonzyi.

⁴⁰ Elyo, alimwi akwalo, bantu baswiilila ku matepu aya. Bamwi, bunji bwabo, bala lembela, akuti, “Nkaambonzi, mu *Lukwatano A Kulekana*, wa kaamba *eci* alimwi waamba *eco*.” Nda kati kuli ziindi zinji maningi; matepu aya aunka buyo. . . Ndi kanana ku mbunga yangu, mukwesu. Ta ndikwe bwiinguzi kuli eco Leza ncapa mweembezi; Ndi jisi mulimo wa musyobo oyo wa Cakulya nce Ndi sanina bantu aba. Eci nca cikombelo eci buyo. Mwabona? Lino, ikuti na bantu bayanda ku swiilila ku matepu, cili kuli mbabo. Pele Ndi kanana kuli eco Leza nca kandipa. Zya kali zibi zyabo zyaka jatilwa.

Muntu umwi wakalemba, a kwaamba, “Ee, Nda kacita *eci* alimwi Nda kacita *eco*. Yebo wakati cibi cesu. . .” Ta—Ta ndaambi eco.

Nda kati, “Amu cibone kuli eci; eci ncabuyo ku bantu aba kuno kwini, bantu kuno mu cikombelo, butanga bwangu bwini.”

Lino, ikuti na bantu bayanda kutintanya zilyo a zintu ku masena kuya, yebo—yebo kojana ciyubunuzyo kuzwa kuli Leza a kucita eco Leza nca kwaambila kucita. Ndiyo cita cintu nciconya. Pele Milumbe eyi nja ku mbungano eyi.

⁴¹ Amubone eno, twa joka, twe elede kuba a cintu cimwi cimbi eco nco tweelede kujatilila wo. Cintu cimwi ceelede kuba cisoolozya, kutegwa majwi, ni mbaakani. Alimwi muntu oonse weelede kuba a mbaakani na cimaninizyo. Nda kakambauka ali ncico ciindi cimwi, myaka yainda, aa cimaninizyo, busena awo aa ijwi lya mamanino.

⁴² Mbuli sikusibya ku musobano wa bbola, ikuti na wati yanywa, eco cili mbubonya buyo eco mbocibede. Takukwe makani nzila mbo cibona, sikusibya waamba kuti yanywa. Yebo wati, “Ta—Ta—Ta . . . Tee yanywa pe. Ya inka . . . Nda bona i . . .” Takukwe makani mbocibede, cindi na amba, “yanywa,” nce ncico, eco cimana cintu biyo. Walo, walo ni mbaakani.

⁴³ Elyo malaiti aa myootokala ni mbaakani, ikuti na ati, “koya.” Yebo wati, “Ee, Mebo, Ndili bindide, Nde elede . . .” Peepe, peepe. Alo aamba, “Koima nji kuciindi muntu umwi nainka.” Mwabona? Ni mbaakani.

⁴⁴ Lino, ku leelede kuba mbaakani ku zintu zyoonse nzo cita. Ku leelede kuba mbaakani cindi no sala mukaintu wako. Ku leelede kuba mwanakazi oyo ngo kakketa.

⁴⁵ Lino, ku leelede kuba ciindi awo, cindi noya ku kuula mootokala, na musyobo nzi wa mbaakani ngoya kubamba. Iyooba Ford, Chevy, Plymouth, mootokala waku cisi cimbi, kufumbwa cintu mbocibede, yebo weelede kuba a mbaakani.

Elyo aboobo mbocibede a buponi bwa Bunakristo. Ku leelede kuba mbaakani.

⁴⁶ Lino, ikuti na mwaalumi wati, kaunka ku mwaalumi umbi a kuti . . . kamvwa muntu umwi kaamba, “Ee, weelede ku bapatizigwa,” nkabela mulombwana oyu tana . . . Ndiza, yakwe, mbungano imwi eyo yatakali kubapatizya, baka sansaila buyo. Ndi yeeya kuti, kwaamba kupa mukozyanyo, Methodisti, bala bapatizya ikuti na kwa lombwa, mbo Ndi mvwa. Na ndiza i . . . I muna Katolika, Ndi yeeya kuti basansaila buyo. Aboobo mpawo ikuti na—ikuti na muntu wakamvwa cintu cimwi kujatikizya kuba “kunyikizigwa mu maanzi,” ee, ta kamvwisya eco; wa kakomezegwa kali muna Katolika. Aboobo wainka kutala ku mupaizi, a kuti, “Taata, Ndi mvwa kuti tweelede kubapatizigwa kwiinda mu kunyikizigwa. Ino mbungano yesu yaamba nzi kujatikizya eco?”

⁴⁷ “Nkaambonzi, ya amba kuti—kuti tweelede kusansailwa.” Ikuti na mbungano eyo ni mbaakani yakwe, eco cila cimana. Nkazyanyo zyoonse zyamana; mbungano ya kaamba obo, alimwi kwamana.

48 Ino kuti i . . . ikuti na mukwesu wa Baptisti waka tumvwa ka twaamba kuti tu syoma mu kuba babapatizigwa kwiinda ku “kunyikizya”? Inga wati, “Nda syoma eco.”

“Elyo mu Zina lya ‘Jesu Kristo.’”

Lino, membala oyu—oyu wa mbungano ulajoka ku mweembezi a kwaamba, “Mweembezi, Nda kamvwa mulombwana wa ndaambila kuti tweeledede kubapatizigwa kwiinda ku kunyikizigwa, ncibotu, pele mu Zina lya ‘Jesu Kristo.’”

49 “Ee,” inga waamba, “eno, atu bone. Baa, awa bbuku lyaamba kuti tweeledede kubapatizigwa kubelesya ‘Taata, Mwana, Muuya Uusalala.’” Ikuti mbungano eyo ni mbaakani, eco cila cimana. Takwe makani kujatikizya eco cintu cili coonse cimbi caamba; eyo ni mbaakani yakwe.

50 Ee, tubungwe toonse ni mbaakani ku basyomi bato.

Pele, kuli ndime, a kuli bamwi abombe Ndi syoma kuti Ndili mukusololela kuli Kristo, a kwiinda kuli Kristo, Bbaibbele ni mbaakani yesu. Takukwe makani . . . Nkaambo, Leza wakati, “Akube kuti ijwi lya muntu oonse libe lya bubeji, nkabela Lyangu ilya Bwini.” Elyo Nda syoma kuti Bbaibbele ni mbaakani ya Leza. Takukwe makani eco kufumbwa muntu umbi ncaamba; Ni mbaakani.

I Bbaibbele talili bbuku lya zilengwa. Peepe, munene. Ta lili bbuku lya zilengwa, naanka milao ya kulilemeka. I Bbaibbele ta lili bbuku lya zilengwa, zilengwa zinji loko, a zimwi zimbi. Peepe, munene. Ta lili bbuku lya milao ya kulilemeka. Peepe, munene. Ta lili obo. Naanka akwalo Ta lili bbuku lya makani aakale, antoomwe. Na, akwalo Ta lili bbuku lya zyalwiiyo lwa bukombi. Nkambo, Nciyubunuzyo ca Jesu Kristo.

Lino ikuti na mu yanda kubala eco, nywebo no mujisi mapepa aanu, ku cilemba, ngu Ciyubunuzyo 1:1 kusikaku 3, mukuti, Bbaibbele ngu “Ciyubunuzyo ca Jesu Kristo.”

51 Atwi bale buyo kuciindi no tujisi ciindi. Nda syoma wangu. . . ta ndi jisi bulembo bunji loko awa bwa ku kanaanina. Ikuti na Mwami wamuka, baa, tuyo sola kuzwa kuli mbubo.

I Ciyubunuzyo ca Jesu Kristo, eco Leza nca kapa kuli nguwe, ku tondezya ku bazike bakwe zintu zyelede kufwambaana kuboala kuciindi ciza; alimwi walo kutuma a kuczibya kwiinda kuli angelo wakwe ku muzike wakwe Johane:

Oyo waka lungulula ijwi lya Leza, a . . . bukamboni bwa Jesu Kristo, a zintu zyoonse ezyo nzya kabona.

Ulacoolwe oyo uubala, a baabo baswiilila ijwi lya businsimi obu, a kubamba zintu ezyo zilembedwe muli mbubo: nkambo ciindi cili afwaafwi.

⁵² Aboobo, Bbaibbele ngu ciyubunuzyo cimaninide ca Jesu Kristo. Elyo Ca kalembwa aa basinsimi. Hebrayo 1:1, mu... “Leza, Walo mu ziindi zyakale wa kaambaula ku matata kwiinda mu basinsimi, mu buzuba obu bwa mamanino kuli ndiswe kwiinda mu Mwana Wakwe, Jesu Kristo,” oyo wakali basinsimi, boonse babo, kubikka antoomwe. Jesu wakali Malaki; Jesu wakali Jeremiya, Isaya, Eliya. Boonse abo bakaliko, bakali muli Nguwe. Alimwi obo boonse mbomubede, a koonse mbo Ndi bede, muli Nguwe; Majwi, bakamboni ba Ijwi.

Aboobo Ta lili bbuku lya zilengwa, milao ya ziyanza zya kulilemeka, naanka Ta lili bbuku lya makani aakale, na bbuku lya zyakombi. Ta lili obo. Pele Ngu ciyubunuzyo ca Jesu Kristo, Leza Mwini wakayubununwa, kuzwa ku Ijwi kuya ku buntu. Eco mbo mbubo mbo Ci bede. I Bbaibbele ndi Ijwi, alimwi Leza mubuntu, Leza mu... Leza ndi Ijwi, mubwini, alimwi Jesu kali mubuntu. Ngu ciyubunuzyo, nzila Leza (i Ijwi) lyaka yubululwa mu mubili wabuntu, alimwi lyaka yubununwa kuli ndiswe. Alimwi ako nke kaambo Nca kaba Mwana wa Leza; Ngu cibeela ca Leza. Mwa mwisya na? Lino, Walo tali... I mubili ncibeela ca Leza, kunji loko kuti Mwana.

⁵³ I Mwana, mbuli Katolika mbo icibikka, “Mwana Uutamani,” a oonse amwi mabungano; ibbala tali pangi kuyeeya kubotu. Mwabona? Ta konzyi kuba Butamani, alimwi mpawo kuba Mwana, nkaambo *Mwana* ncintu cimwi eco “ca kazyalwa.” Elyo bbala Butamani, Ta konzyi kuba Buta-... Ula konzya kuba Mwana, pele Ta konzyi kuba Mwana Uutamani. Peepe, munene. Ta konzyi kuba Mwana Uutamani.

⁵⁴ Lino, pele Walo ngo Mwana, kunji loko, cakuti Ijwi lyoonse eelyo lyakali muli Jeremiya, muli Musa, a oonse ayo Majwi, mbuli Mbwa kaamba, “Baambaula zya Ndime.” Coonse eco ciyubunuzyo ca Ijwi Cabuleza cini caka vungailwa mu mubili omwe wa buntunsi, Leza waka Uvumbilila a mubili wabuntu. Ako nke kaambo Nca kali kutegwa “Mwana,” ikaambo Nca amba, “Taata.” Baa, ncitete buyo, ikuti na walekela buyo Leza ku citilila mu muzeezo wako. Mwabona? Leza wayubununwa mu mubili wanyama, amubone, kayubununwa kuzwa ku buntu... na kuzwa ku Ijwi kuyaku buntu. Oyo Musalali Johane 1:14, “Elyo Ijwi lyakaba mu mubili wabuntu, a kukkala akati kesu.”

⁵⁵ Lino amubone Bbaibbele eli. Bamwi babo bakati, “Oh, ee, Ci citwa obo, Ci citwa obo.” Pele andi mwaambile cintu cimwi, atu buyo...

Atu njile mu makani aakale aa Bbaibbele, kwakaindi kaniini, kubona awo nko Lya kazwa. Lya kalembwa a balembi baandene bali makumi one. Bantu bali makumi one baka lemba Bbaibbele, kwa mwaakwe utantamukene wa myaka ili cuulu a myaanda ili cisambomwe, alimwi ku ziindi zyandeene, kwaamba kumbele ku zintu ziyo citika zipati

loko ezyo zyaka sola kucitika mu makani aakale aa nyika, alimwi, ziindi zinji, myaanda ya myaka kacitana citika. Elyo kwiina bulubizi bomwe mu Mabbuku oonse aali makumi aali cisambomwe aali cisambomwe. Oh, ma! Taakwe mulembi cita Leza Mwini uukonzya kululama maningi. Taakwe Ijwi lyomwe likazya limbi.

Amuyeeye, myaka ili cuulu amyaanda iili cisambomwe mu kutantamukana, Bbaibbele lya kalembwa, kuzwa kuli Musa ku—ku sika ku lufu lwa—lwa Johane ku kasuwa, na Kasuwa ka Patimo. Myaka iili cuulu amyaanda ili cisambomwe, nkabela lya kalembwa a balembi bali makumi one bandeene; umwi kwiina nakaziba akwalo umwi umbi, alimwi kwiina no bakali jisi mbuli “Ijwi.” Bamwi babo kwiina noba kasola kubona “Ijwi.” Pele no baka Li lemba, nkabela kamvwigwa kuti bakali basinsimi, mpawo, cindi niba kabikka zisinsime zyabo antoomwe, umwi aumwi wabo bakazuminana kwini umwi kuli umbi.

⁵⁶ Amulange kuli Petro, oyo wakaambilizya aa Buzuba bwa Pentekoste, “Amusanduke, umwi aumwi wanu, a ku bapatizigwa mu Zina lya Jesu Kristo kuti mujatilwe zibi zyanu.”

Paulo kwiina nakamvwa cintu kujatikizya Ndulo. Wa kaunka ku musanza ku Arabia kwa myaka yotatwe, kuyoiya Cizuminano Cakale, ku bona Oyo oyu Musumpululu wa Mulilo wa kaambaula kuli nguwe mu mugwagwa, kaamba, “Saulo, nkaambonzi nco Ndi penzya?” Mbobuti mbwa kali kukonzya kulubila? Taakwe nakabuzya mbungano noiba yomwe.

Elyo kumane myaka iili kkumi ayone, cindi na kaswaana Petro, ba kali kukambauka cintu comwe, Ijwi ku Ijwi. Elyo nde Bbaibbele lyesu. Amuleke majwi a muntu akalikwe. *Eli*, taakwe muntu uukonzya kuyungizya kuli Ndilyo. To ciyungizyi limbi ku Bbaibbele. Peepe, munene. Eci ngu Ciyubunuzyo cimaninide. Kwa mana.

⁵⁷ Mbuli Zinamatizyo zili Ciloba. “I Zinamatizyo zili Ciloba,” muntu umwi wakazumanana kwaamba kuli ndime, “lino uyo . . . I Mwami uyo kanana kuli nduwe, Mukwesu Branham, cindi Zinamatizyo ezi zya kuyubununwa, alimwi uyo twaambila nzila ya kuswena maningi kuli Leza, a nzila ya kucicita.”

⁵⁸ Nda kati, “Peepe, munene, ta cikonzyi kuba. Nkambo, Bbaibbele, Zinamatizyo zili Ciloba muli Ndiyo lyakali jisi makani aasisidwe aali ciloba akapatikidwe. Ca kalembwa kale, pele tiiba kamvvisya obo mbo Ca kabede.”

Amulangilile nzila mbo bakabeleka ciindi coonse a ceeco, kuba bapatizigwa mu Zina lya “Jesu”; mwabona, kuti tii cakali ncico. I Zina lya “Mwami Jesu Kristo”! Mwabona zintu ezyo zyoonse, nzila mbo cakabede. Nkaambo, kuli Bajesu banji; Ndi jisi beenzuma basyoonto aa nyika baulikidwe “Jesu,” beenzuma bakambausi. Ta cili eco. Ngu wesu “Mwami Jesu Kristo.”

Taakwe mulembi cita Leza wakali kukonzya kululama maningi. Lino atu bone eli Bbaibbele mbo lya kalembwa.

⁵⁹ Lino, kwaamba kupa mukozyanyo, kuzwa. . . Ino kuti twa unka eno a ku bweza mabbuku aa busilisi aali makumi aali cisambomwe acisambomwe ayo alanganya zya mubili, aakalembwa a zikolo zyabusilisi zyandeene, mwaanda a kkumi acisambomwe. . . na myaka itantamukene iili cuulu amyaanda ili cisambomwe? Ndayeeya na musyobonzi wa buzumanane nko tunga twa yaka?

Cindi, George Washington, muleli wesu, kutandila myaka iili myaanda yobile yakainda, ku kamano, baka somona lwala lwakwe lwaku kalolomi a kumuswekesya bulowa bukkwana kagaloni. Ino kuti twa bweza. . .

⁶⁰ Atuye aambeke aniini, aa zintu zimwi ezyo zitweebelezya maningi, zya sayansi. Ino kuti na twa bweza sayansi iili makumi one yandeene, kuzwa ku myaka iili cuulu amyaanda ili cisambomwe itantamukene, a kubona eco nco tunga twa jana? Muna sayansi waku France, myaka iili myaanda yotatwe yakainda, katondezya kwiinda ku sayansi, kwiinda ku kukunkulisa bbola, kuti, ikuti kufumbwa kuzuzwa kukali loko kwakabwezwa kwiindilia mamaile aali makumi otatwe mu oora lyomwe, cintu inga cauluka kuzwa aansi a kuwa. Sena muyeeya kuti sayansi inga yasola kwaamba kujoka kuli eco? Sa kuli buzumanane kuli koonse a eco eno, kakuli baleenzya aa kagwagwa, aa mugwagwa awa, mamaile aali mwaanda a makumi osanwe mu oora lyomwe? Mwabona? Pele wa katondezya munzila ya sayansi eco, kwiinda ku kufundilila kwa ku kukunkulisa bbola aansi, ku mamaile aali makumi aali otatwe mu oora lyomwe, kuti, kufumbwa cintu inga cauluka kuzwa aa nyika a kuyabuya, inga ciyo wida mu mulengalenga. Peepe, kwiina buzumanane kuli eco.

⁶¹ Pele kutali Ijwi lyomwe mu Bbaibbele likazya limbi. Taakwe musinsimi omwe wakasola ku kazyanya aumwi umbi. Kwa kali, boonse babo, kalilondokede. Elyo cindi umwi na kanjila a kusinsima, nkabela musinsimi oyo wakasimpe nakabuka a ku muyutula, mpawo lya kayubununwa. Mwabona? Mwabona? Aboobo Bbaibbele ndi Ijwi lya Leza, ku basyomi boonse ba bwini.

⁶² Lino, ta mukonzyi kujana kululama muli eco madokota nco banga bazuminana. Ta mukonzyi akwalo kujana kululama kwabo eno. Ta mukonzyi kujana kululama mu sayansi eno.

Lino, nywebo mulizi, ciindi cimwi kaindi, baka twaambila kuti i. . . kuti, “Cindi Bbaibbele ne lyakati ‘wa kabona Baangelo bone kabaimvwi ku mabazu one aa nyika,’ eco tee cakakonzeke. I nyika ibulungusene.” Pele Bbaibbele lya kati, “mabazu one.” Ee, eno nywebo mwakabona, mvwiki zyainda zyobile, na mvwiki zyoatatwe zyainda, cali obo eno, mitende yakabweza caano eco,

baka jana kuti nyika ili mu mabazu one aelene. Mbangaye baka bona eco? Nkaambonzi, masimpe. Mwabona? Ndi jisi makkopi oonse kuzwa kuli njiyo, kulindila buyo muntu umwi kuti aambe cintu cimwi.

⁶³ Elyo bayo jana kuti, buzuba bumwi, kuti taba ciboni kwa myaka ili mamilioni aali mwaanda amakumi osanwe a mwaakwe wa mumuni koonse. Bali mukuzunguluka ncobeni mu mubalo. Obo mbubobo.

Muyo jana kuti, bumwi bwa mazuba aya, kuti cindi mwa kuunka ku Julu, ta muuluki kuya kubusena bumwi bumbi. Nywebo mucili mpoonya awa, akwalo, kuba buyo mu cilao cimbi cakufwambaana kwiinda eci.

Moonya kwiinda mu kaanda aka kuboola mibala. Mibala yoonse, shaati, dressi, kufumbwa nco musamide, Mbutamani, zili bikkidwe mpoonya aa marekordi, kazi zunguluka a ku zunguluka nyika. Ziindi zyoonse mwa fwinya meso aanu, cili mpoonya aa rekordi. Amulangilile, cipekupeku ciyo tondezya eco.

⁶⁴ Cindi wazyalwa, Leza ula bamba rekordi kubeleka. Ta libambi. . .Bikka rekordi kubeleka, tali pangi coongo kwa kaindi, nywebo mulizi. Oyo muvwanda muniini, mane waboola ku ciindi cakuvwiilila makani; mpawo coongo catalika, ula talika kwaamba zintu a kucita zintu ezyo nzya yoovwiilila. Elyo mpawo cindi buumi obo bwa gola, eelyo rekordi na teepu ila gwisigwa a kubikkwa mu i—mu laibrari mpati ncobeni ya Leza. Lino, mbobuti mboya kuyuba ku Mungwala wa Lubeta? Li lalizigwa alimwi ncobeni kumbele lyako, milimo yoonse njo kacita, miyeeyo yoonse eyo yakainda mu muzeezo wako. Sa inga mwabona eco? Lino inga mwabona awo Leza. . .

⁶⁵ Kandii mvwi awa, busiku bumwi, kwakali mwaalumi aa cibumbili, mwaalumi, mulamfu walubala, mulombwana uboneka kabotu, muyumu. Elyo wa kazwa. . .I Mwami waka mwaambila zintu zyoonse mbozibede kujatikizya mukwasyi wakwe a ceeco ncaelede kucita. Elyo wakazwa a kukkala aa cuuno. Mu maminiti masyoonto, mpaawa kwaka boola mwaalumi umbi kumbele lyangu mbuli oyo, pele waka lanzizye mutwe wakwe aansii. Tii nda kakonzya kumvwisya, alimwi Nda kalanga ku mwaalumi alimwi kubusena kuya; elyo wa. . .Takali nguwe, nkaambo cakali cintu cimwi cimbi. Elyo mwaalumi oyu, Tii ndaka konzya kucijana. Kalanga koonse, taakwe muntu wakali kunze, lyangu. Nda kati, “I mwaalumi uukkede mukati ka zisitilizyo ezi kuya.” Elyo cakali cesu. . .i mukwesu oyo uboola ku mbungano kuno, mulombwana wa musyobo mulamfu, mubotu, wa lubala waka kkede kutala kuya mbuli obo. Elyo wa kanongomekede mutwe wakwe, kakomba, nkaambo wakali aafwi kufwa ku penzi lya mwida.

Wa kali kuyanda kuyoula mabbusu. Mukaintu wakwe wakali kuyanda ku muulila mabbusu mapya. Wa kati, “Peepe, Ta ndeedede kuba angawo, nkaambo Nse kaponi kuti nkaasame.”

Wa kali mukufwa. Elyo kakkede kuya, nywebo mwabona, mu cilao eco, aleluya, Leza wakeenda atala mukati muya a kwaamba, “Ngooyo uli kkede,” busena mbubonya mwa kabede. Mwabona eco nce Ndi pandulula?

⁶⁶ Lino amubone, nkabela kwiina bulubizi buli boonse mu Magwalo. Jesu, Ijwi lya Leza, wakaziba muyeeyo wa mu moyo. “I Ijwi lya Leza ndyanguzu loko, kubosya loko,” Hebrayo 4:12. “I Ijwi lya Leza lilabosya loko, akuba anguzu loko kwiinda panga lya mabemba obile, akwalo sikutweluka wa miyeeyo a makanze a muzeezo.” Mwabona? Lilainka kulaale kungsi mu muzeezo, a kusomona, a kutweluka. Ino *kutweluka* caambanzi? “Kuyubununa, kutondezya antangalala.” Elyo eco ncencico Ijwi lya Leza ncoli cita.

Sunu tu laamba, “I mbungano ya Katolika ndi Ijwi lya Leza; ba Baptisti, ba Methodisti, Pentekoste, cikombelo.” Eco cili lubide. I Ijwi ngu ciyubunuzyo; Leza, wayubununwa kwiinda ku Ijwi.

⁶⁷ Peepe, inga ni twa konzya kuja . . . kujana buzumanane kuli koonse akati ka basilisi, akati ka basayansi, bamwi bandeene.

Ikuti Einstein na kajisi buyo bulanganye bwa kumuuya, mbuli mbwa kajisi i—i bulanganye bwakunyama, mbuli mbwa kaiya milao ya mumuni, a zimwi zimbi, inga na ka twaambila cintu cimwi. Cindi ni Nda kamvwa mulumbe wakwe aa busena obo bupati bwaakati kabusena bumwi mu milengalenga, kuti, “Wasola ku kwabana a busena obo, inga wakonzya kulenga manyika, kucita cintu cili coonse, alimwi nguzu inga tazikagoli.” Mwabona? Wa kabona eco.

⁶⁸ Mula konzya kubona tusuwa tuniini ka tweenda mu luwo, nto baita kuti “tundeke,” a zimwi. Bantu maningi. . . Eco, ee, ncibotu twa siya eco cilikke. “Muyoomvwa bantu abo boonse baboola kuti ta bako na?” yebo wati. Utaba swiilili; ba liimvwi kuya, alimwi bakabako kuya.

Eyo nje nzila Kukwempwa mbo kuyooba. Umwi wabo uyo seluka aansi, a mubili oyu waansi uyo sama mubili wakujulu. Elyo kuyooba. . . lukanda, masusu, na mafuwa ayosyaala; ku yooba kucincwa mukaindi kaniini ka ciindi, kuseluka nkoonya kuzwa ku mulengalenga a kuya ku Muunzi oko. Tuyo bona eco toonse kaciyabuya eno, alimwi i—i Pentagon kaigambwa mu kujatikizya mimuni eyi, a mimuni yabukombi bwamaseseke, a zintu zyoonse nzobali mukubona mu i—mu mulengalenga. Mwaka bona baka jisi umwi kuno mu mutende ku Jeffersonville mvwiki ino, a zimwi zimbi, “mumuni wabukombi bwamaseseke.” Aboobo, oh, tabazi eci kuti ninzi.

Pele amuswiilile, bana baniini, Uyo mutola mujulu, bumwi bwa mazuba aya. Mwabona? Mwabona? Muta pengi.

Amuyeeye, Jesu wakati, “Mbuli mbo cakabede mu mazuba akwa Sodoma.”

⁶⁹ Ino ncinzi cakacitika kakutanaba buyo Sodoma? Leza waka boola aansii a Baangelo bamwi, alimwi Ba kajisi lubeta lwa kulangalanga. Kati, “Nda mvwa kulila, kuti nkubi loko, kupati maningi, aboobo Nda sika aansii ku zoziba naa mbwini boonse na pe.” Kuli mbubo na? Amulangilile Umwi oyo mupati waka kkala aa Abrahamu, kali kukonzya kutweluka miyeeyo yakali mu moyo wa Sarah, kunze Lyakwe.

Lino, mwa langa koonse asyoonto buyo akuziba, mwabona, amulangilile eco Nco mucita, cintu nciconya sunu. Ndubeta lwa kulangalanga.

Baa, kwiinde kaindi, Mbungano, cindi No ikonzya kukkala mu busena obo, a mbuto zyoonse zyaletwa mu kasena kazyo, ba nounkide. Taba kazibi eco caka citika kuli mbabo. Umwi unounka nzila imwi. Mwabona? Umwi unounka kuya ku ng’anda ya mweembeli, a umwi uya *kuno*, na kuselemuka *kuya*, alimwi, cintu citaanzi mulizi, ta bako pe. Nkambo Enoki oyo wakali cikozyano, “Leza waka mutola, nkabela ta kajanwa.” Kuselukila aansii ku kulangalanga! I buzumanane, nzila kutolwa kwa Enoki, musyobo wa Israyeli kaitolwa aatala mu bwaato . . .

⁷⁰ Lili londokede maningi, Ijwi lya Leza lili londokede maningi, akwalo ku Cizuminano Cakale a Cipyaa, zibeela zyobile a coonse comwe. Mbo mbubo. Cizuminano Cakale ncibeela ca Neico, a Cizuminano Cipyaa ncibeela ca Neico; wa Ci bikka antoomwe, ujisi ciyubunuzyo coonse ca Jesu Kristo. Kuli basinsimi bakanana, alimwi kuno Ngooyu mu Muntu; mwabona, zibeela zyobile a comwe coonse. Lino ta tuyandi kubweza kunjii loko . . .

⁷¹ Lino, amuyeeye, Cizuminano Cakale ta cizulide kakutakwe Cipyaa. Elyo Cipyaa ta cikonzii kuzulila kakutakwe Cakale. Ako nke kaambo nce Nda amba zibeela zyobile, comwe coonse. Nkambo, basinsimi bakati, “Uyo oba kuno! Uyo oba kuno! Uyo oba kuno; ba yocita *eci* kuli Nguwe. Ba yocita *eci* kuli Nguwe!” Elyo mpaawa Mpali, “Wa kali kuno! Wa kali kuno, nkabela ba kacita *eci* kuli Nguwe, alimwi ba kacita *eci* kuli Nguwe.” Nda kazwaa kukambauka aali eco kwa masiku aanda.

⁷² Lino, kutegwa tu langelange Lugwalo, Paulo wakaambila Timoteo, “Ko Lwiiya, kupandulula bweelede Ijwi lya Leza, lili Mbwini.”

Kuli zyelelo zyoatatwe mu Lugwalo. Mukubelesya Ijwi lya Leza, kuli zintu zyoatatwe ezyo nzyo tu teelede kucita. Lino atu langelange ezyo kwa maminiti accilila ali kkumi; zintu zyoatatwe nzo muteelede kucita. Elyo ku masena oonse mu cisi, kufumbwa busena nkobede, koonse ku cisi, amube masimpe kulemba ezi mu

mizeezo yanu ikuti na tamu jisi mapenso. Ta mweelede kucita zintu ezi. Tula mwaambila ziindi zyoonse nzila mbo mweelede kucita, eno Ndiyo mwaambila eco nco mu teelede kucita.

⁷³ Lino, ta mweelede *kupandulula* Ijwi buteelede. Yebo inga waamba, “Ee, Nda syoma Lya amba *obu*.” Lya amba buyo mbuli mbo Lya mba. Ta liyandi sikulipandulula. Alimwi ta mweelede *kubikka* Ijwi ateleelede. Elyo ta mweelede *kupalanganya buteelede* Ijwi. Elyo ikuti na mwacita cimwi ca zeezi, ci waala Bbaibbele lyoonse mu kunyongana a lupyopyongano.

⁷⁴ Amubone. Ku tapandulula kabotu Jesu, mu ciimo ca Leza mu muntu, inga wa Mu bamba—inga wa Mu bamba Leza omwe kuzwa kuli botatwe. Ku tapandulula kabotu kuti Jesu Kristo kali Ijwi, inga mwa Mu bamba kuba omwe Leza kuzwa kuli botatwe, na inga mwa Mu bamba kuba Muntu wabili mu Buleza. Elyo mwacita eco, inga kwapilinganya Lugwalo loonse. Inga tii mwakonzya kusakana. Aboobo Ta lyelede kupandululwa buteelede.

⁷⁵ Elyo ikuti na waamba kuti cintu cimwi, yebo wabikka bupanduluzi aali Ncico, alimwi wa Ci bikka ku ciindi cimbi; na Ca kabikkwa ku ciindi cimbi, yebo akwalo ulabamba bupanduluzi butaluleme.

⁷⁶ Ikuti na muntu uuli oonse ta pandulula kabotu Jesu Kristo mu Bbaibbele, kutaba Leza Mwini, ku Mu bamba Muntu wabili, na Leza omwe kuzwa kuli botatwe, eci inga canyonganya Ijwi mbulizulwa mu Bbaibbele lyoonse. Inga casotoka mulazyo mutaanzi, “Muta kabi a kaleza kambi kali koonse kumbele Lyangu.” Ncibotu. Inga cabamba mukowa wa Bunakristo oonse kuba nkamu ya bakombi bahedeni bakomba tuleza totatwe twandeene. Mwabona na musyobo wa Bbaibbele ngo muno jisi? Mpawo inga ca tubamba eco ba Juda ncoba twaamba kuti mbotubede. Kati, “Nguuli umwi wa tuleza uuli ngu Leza wanu?” Mwabona? Aboobo, nywebo mwabona, ta mukonzyi. . . Ta mweelede ku pandulula Bbaibbele buteelede.

Nkambo, Jesu Mwini ngo bupanduluzi bwa Bbaibbele, cindi Ayu bununwa mu bukkalo obo cibeela ca Mubili Wakwe mocili mukuba mubuntu. Ikuti na mbukkalo bwa janza, lyelede kuba janza; ta likonzyi kuba bukkalo bwa mutwe. Ikuti mbukkalo bwa ijwi, ee, mpawo, ta likonzyi kuba bukkalo bwa tende. Mwabona? Elyo lino tuli ku bukkalo bwa liso. Alimwi lino buccilila, Nguwe Mwini, siku boola. Ku kubona; cabusinsimi!

⁷⁷ Mwabona, muciiindi kwiinda mu bukkalo, twa katalikila ku ntalisyo, kuzwa ku bukkalo bwa mbungano butaanzi; cindi Mbutu niya kanjila mu bulongo, Mbutu imaninide. Mpoonya yaka mena kwiinda ku tende, Luther; kajoka kubusena kwiinda muli Wesley; mpoonya ba Pentekoste, myaambo, mu milomo, mwabona; lino mu meso, cabusinsimi, ca Malaki 4, a zimwi zimbi. Elyo eno kwiina cintu cimbi cisyeelede nkambo ca boola

kuli Nguwe Mwini ku njila muli eco, nkaambo eco nce cintu camamanino ciliko.

I ciccilila mbupampu, alimwi ta tujisi bupambu bwesu bwini; mbu Bwakwe. Ta tukwe ciimo ca kukubona lwesu tobeni. Mbobuti muntu mbwakonzya kubona zintu ezyo kumbele? Ta konzyi kucicita. Ngu Leza Mwini. Mwabona, nku—nku ba ku busena. Elyo We endeleya mubili mu ciindi coonse, mpawo Mubili woonse wa Kristo ula yubununwa mu ciimo ca Nabwiinga oyo waka gwisigwa kuzwa ku lubazu Lwakwe, mbuli Adamu mbwa kacita ku matalikilo...mbuli Adamu mbwa kabede, mubwini, ku matalikilo.

⁷⁸ Iiyi, “kaleza,” eci inga cabamba Bbaibbele lyoonse mu lupyopyongano, kusotoka mulazyo mutaanzi, a kubamba kaleza, kaleza ka buhedeni ika botatwe. Inga cabamba buyo—inga cabamba buyo kunyongana kwa cifwanikiso coonse ca Bbaibbele. Aboobo ta mweelede kupandulula buteelede Bbaibbele. Lino, eco ncintu buyo comwe.

⁷⁹ Cindi, Magwalo oonse mu Bbaibbele ajisi bubambe bomwe, mweelede kuli Bi bikka mu busena Lyalo. Nkabela kuta Bu bikka ateelede, inga wa Mu bamba Leza mu bukkalo bomwe, alimwi—alimwi bukkalo bumbi inga wa Mu bamba kuba wa makani aakale, kuta Bu bikka bweelede. Aboobo ta mweelede kubikka Lugwalo aa busena buteelede. Ngu Leza ciindi coonse. Ikuti na mwa Mu bamba sunu Leza wa makani aakale, obo mbo cakabede kaindi loko, alimwi kuti Tali nguwenya sunu, ino muyo citaanzi aba Hebrayo 13:8? Mwabona, “Ngu mbobuca nguwenya, sunu, amuya myaaka.”

⁸⁰ Lino, aboobo amubone eci mbo cinga cacita, a mbo cacita. Ca cicita kale, ku Mu bamba kukaka Ijwi Lyakwe Lini, ku tabikka Magwalo bweelede.

⁸¹ Ku palanganya Magwalo, inga wa bikka mubili Wakwe antoomwe bulubide, itende awo aeleda kuba mutwe, na cintu cimwi. Mbubonya buyo mbuli i...Majwi aambi, inga waba a Jesu kaiisya mulumbe wa Musa. Yebo inga waba a...na akwalo Wesley kaiisya bukkalo bwa Luther. Yebo inga waba a eno, bukkalo bwesu, kuyiisya Pentekoste, mulumbe wa Pentekoste. Yebo inga wabona kunyongana mbolinga Lyaba? Pentekoste ya tondezya kale bube bwayo ncobeni. Luther watondezya kale bwawo, kuleya kunjila mu kabungwe. Ya kafwa mpoonya awo. I bukkalo bwakauma; nceeco ca kaunka.

⁸² Amubone, mboya kabeda buyo kabunga, ya kafwa. Lino, amulange na tacili obo. Amulange kaindi kwiinda mu zintu zyakatobelana kucitika izya makani aakale. Ziindi zyoonse ni yakaba kabunga, ya kafwa mpoonya awo; taakwe caka ciliko kuli njiyo. Ya kaba i—i mukombi wa kaleza ka nyika eyi, a kuleya kuya mu tukamu tulyeendeleya, a tubunga, a tubungwe, kuboneka kwalweeno. I nkamu yaba Ricky yaka njila muya a

kubikka kukaka kwabo beni muli njiyo, na kunjizya miyeeyo yabo beni, mubwini, muli njiyo. Elyo ncinzi caka citika? Ya kaba ciimo cinyongene. Kuya ku kulundana mu kaleza ka nyika eyi, oko nkobaya kubikka Saatani mwini mu cuuno cabwami, kaba yeeya kuti bali mukuba a musololi mupati wa nyika kuteeti abaletele lumuno.

⁸³ Nda ka mwaambila buzuba bumwi, Nda caamba alubo, kuti lusumpuko alwalo sunu luliimpene kumaninina kuli Leza. Lusumpuko luliimpema kuli Leza. Lwiiyo luli mamaile ali milioni kuzwa kuli Nguwe; sayansi ili mamaile aali milioni. Sayansi a lwiiyo lusola kubisya Leza, mwabona, kwiinda mu maseminari aa zyabukombi a zikolo, mayake aa sayansi, azimwi zimbi. Bali jisi kusukana kwabo.

Ino kujatikizya cilengaano busiku bumwi, ca mwaalumi wa kakwiila kuli baabo basayansi kunselelo kuya kabatila zintu ezyo mukati mbuli obo? Ba kanyona buyo a kulungumana, a kuzumanana kweenda. Ku yooba lweendo lomwe kumbi.

⁸⁴ Amubone, oh, ezi zyelelo zyatatwe zyelede kuba. Lino, yebo tokonzyi. . . Jesu ta kaboola kukambauka mulumbe wa Nowa. Ta kaboola kukambauka mulumbe wa Musa. Na, Musa ta kaboola kukambauka. . . Mwabona, uta kacilwi kubbutukizya kwini kwa Lugwalo. Lu leelede kuba mu ciindi. Lino, yebo tokonzyi kubikka. . . Cindi mwaalumi oyo mulemu, John Wesley, kazwa, na. . .

I mwaalumi mulemu, Luther, cindi Luther nakazwa a mulumbe wakwe waku lulamikwa. Lino cindi eco cakali. . . Luther wakali muntu mulemu. Wa kaita mbungano kuzwa ku mudima, nkabela wakabamba ku lulamikwa kwiinda ku lusyomo. Elyo cindi na kacita eco, baka yaka kabunga atala aali njiyo, nkabela ya kafwa. I Buumi bwakeenda, mbuli nobuli mu cisiko ca whiiti, kuzwa moonya mu bukkalo bwa Wesley, kuya ku ngalala. Kuzwa kuli Luther kwaboola matu aambi, ayo a kafwa a njiyo, eyo yakali Zwingli, a Calvin, a zyoonse zimwi ezyo zyakazwa ku lubambululo olo lupati.

⁸⁵ Mpawo ambali kwa kaboola Wesley, bukkalo bumbi bwakasonsa maningi kunjila mu ngalala. Wesley, a Atterbury, a boonse abo, a—a John a munyina, a boonse babo, bantu balemu iba Leza kaba jisi mulumbe, wakafumpa buyo cisi. Ba kaibamba kabunga; ya kafwa.

Mpawo yakasonsa kailibonya mbubonya buyo mbuli mboya kali kuya ku kuzyala nseke eno, a, boola kuziba kuti, ya kali cikwa, Pentekoste.

Pele kunze kwini koonse kwa njiyo, kwa kaboola cisyuukila ciniini.

Elyo mula bona, kanji. . . Ndi yeeya kuti, mu kutandila myaka ili yotatwe na yone kuzwa Luther nakali mu mulimo,

cakuti mbungano ya Lutherani yakaba kabunga. Kaindi buyo kaniini kuzwe Wesley mu mulimo, yakaba kabunga.

⁸⁶ Tucson, twa kajisi i—i matobelanwa nzila mbungano ya Wesley, na mbungano ya Methodist, mboya kaboola kuba. Elyo cindi niba kaboola kuno ku America, bunji bwabo bakajoka a kwaamba kuti baka bambide i—i milao iilembedwe a zimwi zimbi, kuzwa ku England, kwiileta kutala kuno, a nzila mbo cakabikkwa mu musobano coonse. Nda kabona ndyoonya buyo eco cakacitika. Njeeyi ilifwiide.

⁸⁷ Ee, mpawo kwa kazwa Pentekoste, balo basikoongolola bakale kaindi mu mazuba aakale, bakaba a cipego cakwaambaula mu myaambo, a kutalika kubeleka a kwaambaula mu myaambo. Mpawo baka cuulika zina kuti, “citondezyo ca Muuya Uusalala.” Mpawo bakaba kabunga. Umwi wakati uyo cita *eci*, a umbi *eco*, bakali aa twaambo a twaambo. Ino nocaka citanzi? Limwi alimwi itu lyaka vunguluka buyo, mbubonya mbuli mbo cakacita mu cisiko a mbuli mbo cakacita aa ngalala. Bakali jisi babumwi, babubili, babutatu, a mbungano ya Leza, a zyoonse ezi zimwi; kuvunguluka buyo, kuvunguluka, kuvunguluka.

Pele eno, kweendelana ku bulenge, buli mukozyanyo uulondokede, tokabi cintu cili coonse ku Li yiisya kuzwa kuli nico.

⁸⁸ I mukwasyi, wa beenzuma bangu ku musanza mu Kentucky, bakazwaa kuba a muvwanda muniini—muniini wakazyalwa bazuba bumwi, alimwi mutumbu wakali kutala kuya cindi noba kali kujika cिसुसुलो cesu. Alimwi wa kali kugwasya mucizi umbi kujika cिसुसुलो ca nkamu ya ndiswe to baalumi abo bakali kubusena kuyo vwima. Elyo aboobo muvwanda waka talika kulila, alimwi Nda kali kwaambaula. Ndi yeeya kuti mutumbu wakalimvwa nsoni asyoonto, aboobo wakazuza a kubweza muvwanda, a—a kutalika ku—ku sanina mwana muniini. Nda kati, “Yebo ulizi, obo mbulenge buyo.” Mwabona? Lino, yebo tokonzyi . . .

Taakwe noba kajana nzila mbotu ili yoonse ya muvwanda kuti ajane eco nca yanda kwiinda ku cililila. Lino, yebo inga wa mupa i—i bbuku lya milao yakulilemeka, a kukkala awa a kwaamba, “Ndi yanda ku kuyiisya lwiiyo lwabukombi, mulombe. Lino, yebo toinki kuya bukwiila koonse kuno mbuli bana bambi; yebo uliimpene. Lino, cindi wa yanda kusaninwa, ulizya mulangu oyu muniini kuya.” Tacibeleki buyo. Peepe, tacibeleki buyo.

⁸⁹ Aboobo, cindi wa langilila bulenge, eno tula bona oko makkalo oonse, a kacibamba mbubonya kuti tuli mu bukkalo bwa mamanino. I cikwa capambuka. Elyo twa kajisi myaka ili kkumi ayosanwe, kutandila makumi obile eno, myaka, ya Mulumbe kuufumpa koose kuzwa ku cisi kusikaku cisi,

alimwi kuseeni kuno uli kuzibebesyo zyakukwabana ku cisi eci, mwabona, alimwi taakwe kabunga. Ta ukonzyi kuba kabunga. Taakwe cintu cakasola kuba mbuli nguwo, na ciyooba kuzwa lino kuyabuya. Mwabona?

I—i cintu ca makani a Mulumbe sunu, ngu, abo ba Ka utambula mu myoyo yabo beelede kukkala mu Busyu bwa Mwana, kuti babizwe. Mwabona? Inga watambula Mulumbe, alimwi mpoonya wa lekela Mwana kujika kugwisya bubisi boonse kuzwa kuli nduwe, mwabona, kubamba Banakristo bakasima. Sa mwabona eco nco Nda amba? Leza ula boola calino, kuzo tambula Mbungano Yakwe, elyo twe elede kuba musyobo oyo wa Banakristo Bakwe kuti atambule. I—i whiiti yasika kukubizwa. Ncibotu.

⁹⁰ Kuli zyelelo zytatwe zyelede kuba. Ta mweelede kupandulula buteelede, na kuta Li kutauka kabotu, ku Li pandulula buteelede, na kuta- . . . na ku Li palanganya. Lyelede kubambwa mbubonya buyo mbuli nzila Leza nja kaamba kuti mbo lyakabede.

Ku nyika, Ndi Bbuku lya maseseke. I bantu ba Li syoma kuti ndi Bbuku buyo lya maseseke. Ciindi cimwi Nda kali kwaambaula ku mwaalumi wampuwo maningi kuno mu dolopo, oyo ujisi bwiime bulemekwa bwa Bunakristo, elyo wa kati, “Nda kasola kubala Bbuku lya Ciyubunuzyo busiku bumwi.” Kati, “Johane kweelede kuti wakalya ku koongelezegwa maningi kwa mpilibili iilula nkabela waka jisi kucitikilwa kubyaabi.” Mwabona, Bbuku lya maseseke.

⁹¹ Pele, kwalo ku musyomi wa kasimpe, Ngu ciyubunuzyo ca Leza cili mukuyubununwa mu bukkalo mbo tupona mo. Wa kati, “Majwi Aangu Muuya a Bumi.” Jesu wakaamba eco. Alubo, “Ijwi ni Mbuto eyo sikumiza nja kabyala.” Tu lizi kuti eco cili bwini. Ngu Leza muciiimo ca Ijwi, alimwi ukonzya buyo kupandululwa kwiinda muli Lwakwe.

I muzeezo wa muntunsi taukonzyi kupandulula muzeezo wa Leza. Mbobuti muzeezo muniini—muniini uugola mbo ukonzya kupandulula Muzeezo uutagoli, kakuli ta tukonzyi akwalo kupandulula muzeezo wa umwi aumwi?

⁹² Elyo nywebo mwaziba, Ngu Umwi buyo uukonzya ku Li pandulula, alimwi Ula Li pandulula kuli oyo Ngwa yanda. Tii lya kaamba, “Bantubafwika bakale, mbuli mbo bakalwana koonse ku nyika mu ziindi zyakale a ziyanza zyandeene.” “Leza, mu ziindi zyakale a ziyanza zyandeene waka liyubununa Mwini ku basinsimi Bakwe.” Mwabona?

⁹³ Elyo, amubone, “Kuli oyo Ngwa yanda ku Li yubununa.” Elyo Wa kacibamba loko cakuti inga Wa lisisa Mwini mu Lugwalo, kuli basilwiiyo basongo ba zyakombi abo baliko. Oh, ma! Ula konzya kulisisa buyo Mwini, kulibamba moonya kuya mu Lugwalo, alimwi ulalanga buzuba boonse a kuta

cibona; kulanga ku ciindi cabuumi, a kuta cibona. Ula konzya buyo kulisisa Mwini, kakkede awo.

⁹⁴ Lino, kaka, masena oonse, aci mvwigwe loko eco. Kuteeti, Leza, mu Ijwi, Ula konzya kulisisa loko mu Ijwi, cakuti kwiina silwiiyo lwabukombi na cikolo mu nyika cikonzya kusola ku Mu bbutula, elyo kakuli Uli kkede mpoonya awo.

Yebo wati, “Sa eco cili luleme, Mukwesu Branham?”

Mbuti kujatikizya ba Farisi a ba Saduki? Mbuti kujatikizya bukkalo abukkalo? Wa kacicita. Masimpe. Wa kacita boobo mu bukkalo abukkalo. Lino inga twa lingula eco. Atu yeeye kujatikizya mazuba akwa Nowa; bukkalo, bupampu a busongo, nzila Mbwa kalisisa Mwini mu Ijwi Lyakwe lyaka syomezegwa. Mu mazuba akwa Musa, nzila Mbwa kalisisa Mwini. Mu mazuba akwa Eliya, nzila Mbwa kalisisa Mwini. Mu mazuba akwa Jesu, nzila Mbwa kalisisa Mwini. “Wa kali mu nyika, alimwi nyika ya kalengwa a Nguwe, alimwi nyika tee yaka Mu ziba pe. Wa kaboola kuli Bakwe Beni; Bakwe Beni tii baka Mu tambula.” Mwabona?

⁹⁵ Ula lisisa Mwini kuzwa ku bantu basongo, a bapampu loko bapona aa nyika. Yebo wati, “Ee, oyo Mwii. Taata Uusalala *Niini-a-niini*.” Ta ndikwe makani na nguni, Leza ula lisisa Mwini kuzwa kuli nguwe; alimwi uyo ciyubununa ku bana bali boobo mbuli banga baiya, mwabona, bana ba Leza, mbuto zyakakanzwa.

⁹⁶ Amuyeeye. I Leza Singuzu, kakkede mu Majwi Aakwe Mwini, ulaofwaazya bantu basongo, abayiide ba bukkalo obu buliko, nkabela ta bakonzyi ku cibona. Ba yeeya kuti ni nkamu buyo ya ciimo cakwiindilizya. Amu Mu lange kaimvwi kuya kayuba, ba Pentekoste, ba Baptisti, ba Methodisti, ba Presbyteria. Kuliubununa Mwini ku masena ncobeni cantangalala, a kutondezya misyobo yoonse ya zintu, akwalo ku cibikka mu mitende, a zintu mbuli eco, nekubaboobo taba ciboni. Oh, Leza wesu, obo bupati, kuliubununa Mwini kuli oonse Ngwa yanda.

⁹⁷ “Oh,” yebo wati, “Mukwesu Jones na Mukwesu *Niini-a-niini*, walo—walo muntu mulemu. Uyo Ci bona.” Oh, peepe. Ula Ci yubununa kuli oyo Ngwa yanda. Kwaamba, “Mukaintu wangu ta Ci boni, alimwi mwanakazi Munakristo.” Ula liyubununa Mwini kuli oyo Ngwa yanda. “Ee, mweembeli wangu muntu mulemu.” Eco cili kabotu, pele Ula liyubununa Mwini kuli oyo Ngwa yanda. Lino, amulingule eco caka yubununwa, kuli eco cicitika, mpawo muyo. . . inga mwamvwisya cikubwene.

⁹⁸ Lino tula bona mpawo, ci Li bamba Bbuku lya Leza a kutali bbuku lya muntu. Ikuti na Lya kali ilya muntu. . . Lino atu lange nzila Mbo linga lya litondezya Lini. Amulange nzila Mbo liyubununa cibi ca bantu abo baka Li lemba, amubone, bantu abo—abo bakapona mu buzuba bwa Ndilyo.

Abrahamu, kupa mukozyanyo, ulaitwa kuti “taata wa basyomeka.” Amubone nzila eco...Sena muyeeya kuti Abrahamu inga nakalemba Bbuku eeli aa makani aakwe mwini, ku bukandu bwakwe mwini? Mbobuti mbonga wa yeeya mbwakali linolilemba kuti wakabeja ku mwami cifumo eco, a kwaamba kuti wakali mucizi wakwe, kakuli wa kali mukaintu wakwe? Sa inga wa lemba micito yabukandu bwakwe eyo nja kacita? Masimpe, inga nataka cita eco pe.

⁹⁹ Mbuti kujatikizya Jakobo mu lweeno lwakwe? Silweeno muniino obo Jakobo mbwa kabede. Sa inga i—i—i muntu, bulembo bwaci Hebrayo aa munyina mu Hebrayo, kuti muli nguwe omo boonse ba Israyeli moba kaitwa, inga waba a camba ca kulemba lweeno lwa bawisi mbabonya be cisi coonse? Muli Jakobo, kwakazwa basikale; kuzwa kuli basikale, kwakazwa mukowa. Elyo bbwe lya ntalisyo lya coonse cayo, Bbaibbele lila muyubununa mbuli silweeno. Sa obo mbombubo? Sa mula yeeya kuti muntu inga walemba eco? Peepe, munene.

¹⁰⁰ Mbuti kujatikizya muntu kalemba mwami mupati maningi oyo ngo bakasola kuba awe aa nyika, mbuli mwami waka samikwa musyini; Davida, mu kucita mamambi aakwe? Sa abo ba Juda inga basola kulemba zya mwami wabo uulemekwa maningi kuba simamambi?

Oh, tuli jisi makani aakale, mbuli, “George Washington kwiina na kabeja,” a zintu mbuli eco. Tu laamba, kwiita eco makani aakale.

Pele muntu oyu, Bbaibbele elyo liita Davida “simamambi,” alimwi mbwa kabede. I mwami wa Israyeli, simamambi oyo wa keelede kuba mwana...Jesu kuba Mwana wa Davida. I Bbwe ndilyonya lyabweendelezi; a wisi Wakwe, mbuli kunyama, wakali simamambi. Ba Juda inga noba takalemba Bbuku mbuli eelyo. Sa inga muntu walemba eli lwakwe cakwe mwini? Peepe buya.

¹⁰¹ Mbobuti inga cisi eco cakali cibotu loko ca Israyeli? Nywebo mulizi nzila mbo bakali babotu loko. Cisi cibotu loko ca Israyeli, kainka a kulemba zya kukomba kwabo beni kwa mituni, kalemba zya kupapila kwabo kuli Leza, kalemba kulwa zintu, zyatombe zibyaabi ezyo nzo bakacita, alimwi kalemba awo mu bbuku? Inga ncobeni noba kasisa ezyo. Inga noba katondezya zintu zibotu. Pele, Bbaibbele eeli, eelyo lyaamba eco ciluleme a eco cilubide. Mbolibede, muntu oonse ulizi kuti ba Juda noba taka lemba Bbuku mbuli eelyo, kujatikizya busofwi bwabo bwini, a kukomba mituni, a kukakilwa, a zintu zyoonse nzo bakajisi. Inga noba taka lemba eco. Oh, peepe.

Mpawo, Nguni waka Li lemba? I Bbaibbele lyakati, mu ba Hebrayo 1:1, “Leza, mu ziindi zyakale a ziyanza zyandeene wa kaambaula ku matata kwiinda mu basinsimi.” Mpawo, tee bakali basinsimi, tee bakali bantubafwika. “Leza!”

Kutali “basinsimi mu ciindi cakale.” Pele, “Leza, mu ciindi cakale, ziyanza zyandeene wakaamba ku matata kwiinda mu basinsimi.”

Ndi jisi Lugwalo lulembedwe apepa awa. Ta ndizi obo Mbo lubede; Ta ndikonzyi kwamba kuli Ndulo. Kanji, cindi zintu ezi Nda noamba kuli nzizyo, Ndi langide ku Lugwalo. Ndiyo lulangalanga kwa kaindi kaniini, ikuti na mula ndijatila. Ngu Timoteo Wabili 3:16. Nda—Nda—Nda likuyeeya kuti inga ni Nda iibaluka olo, pele Nda usa. Njo ima buyo asyoonto kuziba mbo lubede.

¹⁰² “Leza, mu ziindi zyakale a ziyanza zyandeene wakaamba ku matata kwiinda mu basinsimi.”

Lino Timoteo Wabili 3, 3:16. Atu bone obo mbo lyaamba muli 3:16.

Magwalo oonse (inzya) ala pegwa ku bunanike bwa (Basinsimi na? Peepe)... bunanike bwa (Inzi?) Leza, alimwi alikondede ku njiisyo, a kukulaya, a kukoolola, a kulailila mu bululami:

Kutegwa muntu wa Leza akonzye kwiima cakulondoka, kabambidwe cakumaninina ku milimo yoonse mibotu.

¹⁰³ Ncibotu, mpoonya, Magwalo oonse akalembwa ku bunanike. Jesu, aansi ano, wakati majulu a nyika ziyo loba, pele Ijwi Lyakwe tali kaciti. Wa kati Magwalo oonse eelede kuzulila. Aboobo mpoonya Bbuku tali b buku lya malembo aa bantu. Ndi Bbuku lya malembo aa Leza.

¹⁰⁴ Lino, tu lizyi kuti Leza wakasala kwiinda ku lukanzo Mbungano Yakwe, busena Bwakwe, basinsimi Bakwe, a coonse ca ncico. Kwiinda kukuzibakale, Wa kakanza musinsimi Wakwe. Alimwi cindi bukkalo nobwa kasika, Wa kabamba musinsimi Wakwe kusika ku ciindi nciconya, a ku munanika mbuli Mbwa kalemba Bbaibbele kwiinda kuli nguwe. Lino, Leza wa kalemba Bbaibbele kubelesya buyo musinsimi, nkaambo eyo nje nzila Yakwe ya kucicita. Aboobo, mwabona, ta lili ijwi... Aboobo, mwabona, Ndi Ijwi lya Leza, a kutali ijwi lya muntu.

¹⁰⁵ Leza Muntu. Leza inga waamba. Leza inga waambaula. Leza inga walemba. Ta keelede ku cicita nzila eyo, pele eyo nje nzila Nja—Nja kasala kucicita. Ta keelede ku cicita nzila eyo, pele Wa kasala ku cicita nzila eyo. Lino yebo wati, “Leza wakalemba a munwe Wakwe, munwe Wakwe Wini wabupati, milazyo iili kkumi. Aboobo Leza nakalemba, Mwini, ikuti Na kali kuyanda.” Mwabona? Pele Wa—Wa kasala ku Li lemba kwiinda mu basinsimi, mwabona. Nkaambo bwakali bube Bwakwe, Ijwi Lyakwe, Wa katondezya kwiinda muli mbabo, kuba zibeela zyoonse, na cibeela Cakwe. Mwabona? Walo inga naka lemba a munwe Wakwe. Wa katola akwalo munwe Wakwe a

kulemba aa malambo aa Babuloni, “Yebo wapimwa mu cipimyo nkabela wabula bweelede.” Wa kalemba a munwe Wakwe Wini.

¹⁰⁶ Leza inga wambaula. Sena mula syoma kuti Leza inga waambaula? Wa kaambaula kuli Musa ku cilundu, mu citeo ciyaka. Mula syoma eco? Iiyi, munene. Wa kaambaula kuli Johane, mu ciimo ca nziba, (mula syoma eco?) kuti, “Oyu ngo Mwana Wangu uuyandwa muli Nguwe mwe Nko ndelwa kukkala.” Wa kaambaula kuli nguwe. Wa kaamba kuli Jesu aa Cilundu Cakusanduka, kumbele lya Petro, Jakobo, a Johane. Ula konzya kwaambaula. Tali cimuumu. Leza inga waambaula. Aboobo Wa kaamba kuli—kuli Jesu aa Cilundu Cakusanduka. Alimwi Wa kaamba kuli Jesu kumbele lya nkamu yoonse ya bantu; cindi, bantu ba kaamba kuti lyakazuma, pele wakali Leza kaamba kuli Jesu. Alimwi kutandila boonse ba Matayo, Marko, Luka, a Johane, ngu Jesu kaamba. Ngu Leza. Aboobo, Leza inga waambaula.

¹⁰⁷ Kabweza minwe Yakwe Iini a kulemba aa musenga, buzuba bumwi. Wa kaamba, Wa kakambauka, Wa kasinsima, a milomo Yakwe Iini, Leza wakacita, cindi Na kaba mu mubili wabuntu a kukkala aakati kesu, “Leza waka yubununwa mu mubili wabuntu.” Ikuti na Ula konzya kulemba, kwaamba, sa Ta konzyi akwalo kwaambila bamwi eco cakucita? Masimpe ula konzya. Ula konzya kwaambaula kuli mbabo, mu jwi lyabuntu. Ula konzya kulemba a ku batondezya eco cakucita. Wa cicita.

Aboobo, “Leza, mu ziindi zyakale a ziyanza zyandeene wakaamba ku matata kwiinda mu basinsimi.” Alimwi Wa kati, aa Bulembo obu, kuti, “Taakwe kazila komwe na kabala kayo sola kuloba kusikila Li kazulile,” alimwi mpawo Lya tondezegwa; mpawo Li yoinda, nkaambo Lya tondezegwa. Ta likonzyi kwiinda mpawo, pele Ijwi buyo Lini kuba mu mubili wabuntu. *Kabala* caamba “kabbala kaniini.” *Kazila* caamba “kabata kaniini.” Taakwe akalo kapankicueshini komwe, bwaambe bomwe, kufumbwa cintu, ciyo sola kukakilwa mu Ijwi lya Leza. Ta kakonzyi kukakilwa, nkaambo Ngu Leza, Leza watondezegwa mu ciimo ca mubili wabuntunsi. Nkaambo, ngu Leza Mwini mu ciimo ca lugwalo, ciimo ca musinsimi, tondezegwa mu mubili wabuntu.

Lino, ako nke kaambo Jesu nca kakonzya kwaamba, “I bantu abo ba kaambaula kuli ndinywe, nywebo mubaita kuti ‘baleza,’ abo bakaamba kuli ndinywe kwiinda ku Ijwi lya Leza,” kati, “alimwi ba kali baleza.” Abo basinsimi cindi noba kananikidwe a Muuya wa Leza, a kuleta Ijwi lya Leza mbubonya, mpawo bakali baleza. Lyakali Ijwi lya Leza kali kanana kwiinda muli mbabo. Elyo inga . . .

¹⁰⁸ Ba kapandulula buyo mbuli Mulembi mbwanga wabazumizya ku pandulula. Lino ikuti na muyanda kujana eyo, ngu Petro Wabili 1:20 a 21. Ncibotu. Nkaambo, eci, awo Leza . . .

“Taakwe sikupandulula wakumbali.” Ula cita bupanduluzi Bwakwe Mwini.

Leza ulambaula a ku Li pandulula, Mwini, mpawo ula liyubununa ku muntu uuli oonse Ngwa yanda, lalisisa kuli bamwi boonse. Ta eelede ku Li yubununa ku muntu oonse citakuti Wa yanda. Elyo Ta citi. . . Wa, Wa tondezya cintu Cakwe coonse mu Lugwalo, aboobo cintu coonse ca zibwa kale; cili buyo kuti Uli kkede awo akulangilila kuti cicitike. Mwabona? Peepe. Kubona buyo Mubili kubambwa a kujoka kuli Ndilyo, ku ciimo, Nabwiinga Wakwe alimwi. Ncibotu.

¹⁰⁹ Basyomi bala Ci zumina, mbuli Abrahamu mbwa kaita zintu bwiimpene kuli Ncico mbuli kuti tee cakaliko.

¹¹⁰ Akwalo cakali, Ijwi eli, li latweluka maseseke aa myoyo, Hebrayo 4:12. “Li latweluka maseseke aa moyo.”

¹¹¹ Basinsimi tee bakamvwisya lyoonse eco nco bakali kulemba na eco nco bakali kwaamba, kunze lyaboobo inga noba tasola ku caamba, ikuti na bakali kukonzya ku Ci mvwisya. Mwabona? Pele Bbaibbele Iya kati, “Ba keenzegwa aa Muuya Uusalala.” Kweenzegwa! Cindi Muuya Uusalala wakweenzya, yebo uleenda. Muntu. . . “Leza, mu ziindi zyakale a ziyanza zyandeene wakaamba ku basinsimi abo bakeenzegwa aa Muuya Uusalala.” Ako nkekaambo, makkalo oonse, bantu abo bakali basimuya bakabuzya basinsimi kumakani aa ziindi a ceeco cakeelede kucitika.

I mulembi musinsimi uleelede kuzumanana kuba mu luswaanano a Mukamwini. Mwabona? Walo weelede kuzumanana kupona mu Busyu bwa Mukamwini, kuziba obo Bbuku mbo liyooba. Mwabona? I mulembi musinsimi, wakali jisi peeni iibambidwe kufumbwa ciindi, luswaanano lwa kuzumanana a Mukamwini, oyo wakali Leza, kugwala cakubinda kufumbwa cintu Nca kaamba kuti abambe. Mwabona? Katondezya oyo musyobo wa buumi mbwa eelede. . . buumi bwa kaandanisigwa kuzwa kuli boonse babunyina bakwe.

¹¹² Lino, ako nkekaambo musinsimi waka bambide muzeezo wakwe lyoonse aali eco Leza nca kaamba; kutali eco muntu nca kayeeya, eco bukkalo nco bwa kayeeya, eco mbungano ncoya kayeeya, eco bwami nco bwa kayeeya. Eco Leza nca kayeeya! Wa katondezya buyo mizeezo ya Leza ku Ijwi, nkaambo ijwi muzeezo cindi watondezegwa. Mwa cimvwa eno? I Ijwi muzeezo watondezegwa, aboobo musinsimi wakali kulindila mizeezo ya Leza. Elyo cindi Leza naka yubununa mizeezo Yakwe kuli nguwe, waka citondezya mu Ijwi, “MBUBOObU MBWAAMBA I MWAMI.” Mwabona, kutali “MbuboObU Mebo mbo ndaamba, i musinsimi.” “MBUBOObU MBWAAMBA I MWAMI!” Mwabona? Ncibotu.

¹¹³ Ako nkekaambo baka susya mami a makkalo aa mbungano, kwalo, ku cita boobo mu mazuba abo, cakali cisubulo ca lufu. Yebo na weenda kumbele lya busyu ibwa mwaami a ku mwaambila, “MBUBOBU MBWAAMBA I MWAMI, *boobu-a-boobu* ciyo citika,” inga wapa kuti mutwe wako kugonkwa. I mbungano inga ya kujaya ndyoonya eno ku cicita. Pele basinsimi abo bakali basicamba. Nkaambonzi? Ba keenzegwa aa Muuya Uusalala, mwabona, alimwi, balo, ako nkekaambo nco bakali basicamba. Alimwi ba kalemba i—i Ijwi lya Leza litakakilwi.

¹¹⁴ Kwakali banji bakasola kulikozyanisya ku basinsimi, mbuli bapaizi, na bamwi bambi. Elyo ino caka cita nzi? Kanyonganya buyo, kwa mana. Tee bakali kukonzya ku cicita.

Nkaambo, Leza waka kketa muntu wa bukkalo, a kukketa Mulumbe, a kwalo bupange bwa muntu a ceeco ciyo njila mu bukkalo obo, eco Nca kali kunga wayaamina, nzila Mbwa kali kukonzya, a bupange bwa muntu oyo umwi, Wa kali kukonzya koofwazyaa meso aa bamwi. I majwi ayo muntu oyo ngakali kunga waamba, nzila mbwa kalilemeka, kwakali kunga woofwazyaa bamwi, a kujula meso aa bamwi. Mwabona? Wa kasamika muntu mu musyobo wa musamino obo mbwakabede; bupange, makanze, a zintu zyoonse nzila buyo mbwa keelede kuba, kukketwa cakulondoka buyo nkambo ka bantu bamwi abo Mba keelede kuyoita ku bukkalo obo bumwi.

Kuciindi, bamwi bakali kunga baima a ku mulanga, kwaamba, “Ee, Ta ndikonzyi. Kuli . . . Ta—Ta ndikonzyi kubona.” Ba kali ofweede.

¹¹⁵ Jesu waka boola mu nzila njionya, kasamide, Leza uutfawiki kasamide mubili wabuntunsi. Elyo nkaambo Wa kazyalwa mu cilido, cimpatu cizwide bufumba, kakutakwe busena aa kulazika mutwe Wakwe; kazyalwa, mukuyeeyelwa, a zina litaluzi kali bbamikidwe aali Nguwe. Mwabona? Zintu ezi zyoonse obo Mbwa kabede, a nzila Mbwa kakomezegwa, mwana wa mubezi, nzila Mbwa taka jisi lwiyo.

Muciimo cimwi, mu nyika, busongo bwa nyika eyi, Taakwe na kajisi cintu cakucita a njiyo. Kwiina lusumpuko, lwiyo olu na kufumbwa cintu ca nyika, Taakwe na kajisi cintu comwe cakucita a ncico. Nkaambonzi? Ngu Leza. Inga nocaka impana canguzu. Ikuti Na kasola kuya ku seminari ku busena bumwi a kwiiya cintu cimwi eco mabungano aya aa nyika ncaali mukucita, inzi mu . . . Nkaambonzi, inga nica takacita akwalo . . . nkaambonzi, inga nica takacita akwalo . . . nicata kazuminana bweelede nokuceya ku kumvwisya Kwakwe, nkambo Wa kali Leza.

Aboobo, lwiyo, kwiiya, maseminari, a zintu, ziliimpene ncobeni ku luyando lwa Leza. I cianza coonse ca lwiyo ciliimpene kuli Leza. Zintu zyoonse ziyiisya kutantamuna kuli Leza, ciindi coonse. Cindi Nda mvwa muntu kati ngu Mwii.,

Ph.D., L.L.Q., eco cimubamba buyo kutantamuka maningi kuzwa kuli Leza, kuli ndime. Mwabona? Wa kaliisya buyo mwini kutantamuka loko kuzwa kuli eco nca kaitilwa ncobeni kucita. Mbo mbubo.

Amubone nzila eyo eno mbo bakeenzegwa aa Muuya Uusalala.

¹¹⁶ Lino, eco ta caambi kuti bantu bayiide taba konzyi kunjila. Amulange Paulo. Ndi yeeyela kuti kwakanyina mulombwana wakali musongo kapati mu buzuba bwakwe kwiinda Paulo, oyo wakali Saulo waku Tarso. Wa kayiya kubweendelezi bwa Gamalieli, uumwi wa bamaiyi bapati maningi ba buzuba; mu Farisi, mulemu, mu Hebrayo wa buzumini ncobeni wa kabungwe. Elyo Paulo waka komezegwa kubweendelezi bwakwe. Wa kalizi bukombi boonse bwaba Juda. Pele cindi na kaboola ku mbungano, wa kati, “Tee ndaboola kuli ndinywe mu lwiiyo lwa muntu, a zimwi zimbi. Nkaambo, ikuti na mwacita, mpawo inga mwa syoma muli eco. Pele Nda boola kuli ndinywe mu nguzu a kutondezegwa kwa Muuya Uusalala, kutegwa lusyomo lwanu lube muli Leza.” Nceeco we. Mwabona? Mbo mbubo.

¹¹⁷ Banji bakasola kuli kozyanisya mbuli bantu abo, pele baka nyonganya cintu coonse mbubonya buyo mbuli sunu. Kwa kabuka umwi kumbele lya ciindi ca Jesu, kaleesya bantu bali myanda yone. Elyo mulizi nzila Magwalo mbwa kaamba kujatizya zintu ezyo, kusola ku cicitu cindi kacitana sika. Alimwi bamwi babo bakasola kuli kozyanisya mbuli Nguwe, alimwi boonse bakali *eci*, *eco*, na cimwi *cimbi*. Alimwi Wa kati, “Mu mazuba aku mamanino, nzila mbokuya kubuka Bakristo babeji, mu mazuba aku mamanino, a basinsimi babeji, a ku tondezya zitondezayo a zigambyo.” Tuli jisi boonse abo. Mwabona? Pele eco tacizimaazyi ca kasimpe pe. Ci bamba buyo kuti Ci mweke kabotu maningi, nkaambo tuli jisi Kristo wa kasimpe, kutali umwi wa bubeji.

¹¹⁸ Lino, lino, tula mvwisya mpawo kuti Leza wakatuma basinsimi Bakwe. Eyo yakali nzila Nja kajisi yakuleta Ijwi Lyakwe ku bantu, kwiinda ku milomo ya basinsimi Bakwe.

Elyo amubone, nywebo mulizi, Musa wakati, ikuti na mu yanda kucibala mu Kulonga capita 4, a kampango ka 10 kusikaku 12. Musa wakati Leza wa kaamba kuli nguwe. Leza wakambaula ku muntu, milomo ku kutwi. Elyo wakati, “Ndime sikamaama,” Musa wakati. “Mebo, Ta ndili uukwanisya. Ta—Ta ndikonzyi kuunka.”

¹¹⁹ Wa kati, “Nguni wakapanga muntu kuti kaambaula, na Nguni waka mupanga kuba syataambi? Nguni waka mupanga kuti kabona, na Nguni waka mupanga kuti kamvwa? Sena tandili Ndime, nde Mwami?” Kati, “Njo oba aa mulomo wako.” Mwabona? Aboobo. . .

¹²⁰ Elyo Jeremiya wakati, ikuti na muyanda kubala eco muli Jeremiya 1:6. Jeremiya wakaamba eco, “Leza waka bikka majwi mu mulomo wangu.” Mwabona? Wa—Wa kaambaula, milomo ku kutwi, a musinsimi omwe; a kwaamba kwiinda mu musinsimi uumbi, ta kajisi bweendelezi pe, nkabela wakaamba kwiinda mu milomo yakwe.

¹²¹ Uli jisi nzila ya kumwaya Ijwi Lyakwe, nywebo mulizi. Iyi, munene. Aboobo mwabona kuti Bbaibbele ndi Ijwi lya Leza, kutali ijwi lya muntu.

Musa wakati, “Leza wa kaamba kuli ndime a Jwi, nkabela Nda ka Mu mvwa. Nda kalemba eco Nca kaamba.”

¹²² Jeremiya wakati, “Tee ndaka konzya kwaamba pe. Elyo, cintu citaanzi nywebo mulizi, milomo yangu yakali kwaambaula, alimwi—alimwi—alimwi Nda kali kulemba.” Leza wa kaamba kwiinda mu milomo yakwe, nkabela ca kacitika.

Danieli, Isaya, a bamwi bambi, abo basinsimi boonse bakali kutandilana buyo kukozyanya.

¹²³ Nywebo mulizi, mu Cizuminano Cakale cilikke, kuli ziindi ziinda ku zyuulu zyobile ezyo basinsimi abo nzoba kaamba MBUBOBU MBWAAMBA I MWAMI. Lino, ikuti na muntu waamba MBUBOBU MBWAAMBA I MWAMI, tali muntu uwambaula. Ikuti na wacita, inga tanooli musinsimi, inga unooli sikuupaupa, mwabona, nkaambo inga ta ci (konzyi) kucitika; ciindi comwe kuzwa mu ziindi zili cuulu ca myaanda iili kkumi, mwabona, inga ba ciyeeyela buyo. Pele ikuti na MBUBOBU MBWAAMBA I MWAMI, Mwami Leza weelede ku caamba.

Ikuti na Nda aamba, “Mbuboobu mbwaamba Orman Neville”; mukwesu wangu waamba, “Mbuboobu mbwaamba Ba. Mann”; Inga ndaamba, “Mbuboobu mbwaamba Mukwesu Vayle,” kubusena kuno, na umwi wabambi aba bakwesu, kufumbwa wanu; Ndi kanana eco nco kaamba. Ikuti na Nda syomeka, Ndili mukwaamba buyo eco nco kaamba.

Elyo bantu aba, mbo bakali basinsimi, bakati, “Ta ndili ndime. Ta ndi jisi cintu cakucita a ncico, pele ngu MBUBOBU MBWAAMBA I MWAMI.” Aboobo Bbaibbele ngu MBUBOBU MBWAAMBA I MWAMI kwinda ku basinsimi.

¹²⁴ Amubone, bakabweza Muuya wa Kristo aali mbabo beni, a kubona kumbele zintu ziyo citika. Amwaambaule kujatikizya kucitika kwa zintu kumbele! Ba kati eco inga ciyo citika mucuindi coonse ca makkalo, mbuli mbo baka kkala, kaima, kalala, keenda a Muuya wa Kristo aali mbabo beni, cakuti baka lilemeka mbuli Kristo. Elyo basikubala inga bacibala a kuyeeya kuti basinsimi bakali ku lyaamba lwabo.

Nywebo amuyeeye muzibe cindi nakali kubala Isaya 53:1, kujatikizya nzila, kuti, “Wa kaumwa nkambo ka milandu yesu, kayaswa nkambo ka bubi bwesu, kukomwa kwa luumuno lwesu

kwakali aali Nguwe, a mibunda Yakwe twa kaponesegwa”? I muzibe wakati kuli Filipino, “Nguni musinsimi ngwa kali kukanana, mwini na muntu umwi uumbi?” Mwabona, musinsimi wa kaamba mbuli kuti wakali lwakwe.

¹²⁵ Amulange Davida kalila mu Muuya, “Leza Wangu, Leza wangu, nkaambonzi Wa ndisiya? Mafuwa aangu, ba ndidunamina, kuli ndime,” Davida. “Ba kayasa matende aangu a maanza aangu,” Davida. “Ba kayasa matende aangu a maanza aangu. Pele Yebo tokasiyi buntu bwangu mu gehena, nekuba kuti Uyo lekela umwi Wako uusalala kubona kubola,” mbuli kuti Davida wakali kukanana lwakwe kuba uusalala. Wa kali Mwana wa Davida, oyo wakasonsa, Mbuto ya kumuuya kaiboola aansii kwiinda muya. Nekubakuti Davida lwakwe wakali nsoke, pele mukati kakwe wakali nseke ya Whiiti. Sa mwa cimvwa?

Aboobo, Bbaibbele mbo lizulwa talili ijwi lya muntu pe, teensi muntu waka Li lemba, kaletwa aa muntu, na nekubakuti Li konzye—konzye ku yubununwa aa muntu. Ndi Ijwi lya Leza lya kayubununwa aa Leza Mwini, Sikupandulula Lwakwe Mwini, Kristo kaliyubununa Mwini mu Ijwi Lyakwe Mwini.

¹²⁶ Amulange Kristo kaimvwi kaindi awa muli Davida. Davida taka konzya akwalo kuyeeya eno. Muzeezo wakwe wakali zwide kuli nguwe, mbuli mbo cakabede. Elyo Wa kali kulengelela aa ciingano, mbuli mbo mubona cibumbwa awa; ka cilengelela aa ciingano, kalila, “Leza Wangu, Leza Wangu, nkaambonzi Nco Ndi siya? Mafuwa Aangu oonse, ba Ndi dunamina. Ba kayasa maanza Aangu a matende Aangu. Ba tontaika lubazu Lwangu.” Mwabona? “Nkaambonzi Nco Ndi siya kusika boobu? Bapoho boonse baku Bashani bandi zunguluka. Bala gunana mitwe yabo, kabati, ‘Wa kasyoma muli Leza, kuti inga Uyo Mu movuna; eno atubone ikuti na Uyo Mu vuna,’” kaambaula majwi ngaonya.

Aboobo, nywebo mwabona, cindi Leza naakaba mu mbili wabantu aansii ano, Wa kaamba majwi ngaonya Davida nga kaamba. Sa mwacimvwa? Aboobo, nywebo mwabona, Talili ijwi lya muntu; Ndi Ijwi lya Leza. Wa kali Leza muli Davida; oyo taakali Davida. Ta kazi eco ncakali kwaambaula; wa kali buyo loko mu Muuya.

Eyo nje nzila Musa mbwa kabede. Wa kali loko mu Muuya, kazwa kuciimo eco ncakali kuponena mo, a kwiima kuya busyu a busyu, mu citeo ciyaka, kaambaula kuli—kuli—kuli Leza Mwini. Kati, “Kosamununa mabbusu ako. I busena mpo imvwi mbusena busalala.”

Nda yezezya cindi Musa nakazwa muya, wa kayeeya, “Ncinzi cakacitika? Ncinzi caka tola busena? Ino cakali cinzi?”

Kati, “Koya ku musanza mu Egepita. Njo unka a nduwe.”

Wa kati, “Cili kasimpe loko kuli ndime, Nde elede kuunka.” Wa kabweza mukaintu wakwe a bana bakwe...a—a mwana wakwe, mubwini, a musako wakwe mu janza lyakwe, a kutalika

lweendo kuya ku musanza ku Egepita, kuyo vuna bantu. Mwabona?

¹²⁷ Leza kaambaula, Mwini, kwiinda mu basinsimi. Mwabona, balo, bali maninide. . . Ta bali basinsimi; wa kali Leza. Nkambo, musinsimi, lwabo, tee bakali kukonzya kwaamba zintu ezyo.

“Nguni wa syoma bulunguluzi bwesu?” Isaya kaamba, nywebo mwabona. “Nguni wa syoma bulunguluzi bwesu? Nkuulini ikuboko kwa Mwami nko kwayubununwa? Uyo komena kumbele lyesu mbuli moombe mu i—mu cimpati. Elyo nzila eyo, nekuba, Wa kaumwa nkambo ka milandu yesu, kayaswa nkambo ka bubi bwesu, kukomwa kwa luumuno lwesu kuli aali Nguwe; a mibunda Yakwe twa kaponesegega.” Twa kaponesegega, kulaale kuno mu bukkalo obu kuno; alimwi Isaya, kaindi eelyo myaka ili myaanda ili lusele katanasika Kristo. Mwabona? “Kwiinda ku mibunda Yakwe twa ka,” bbala lyaamba cakacitika, kale, “kaponesegega.” Oh, ma!

Nzila, Ijwi lya Leza, kalilondokede loko! Amu Li syome, no bantu. Nce cintu cilikke eco cikonzya ku mufutula.

¹²⁸ Oonse majwi aambi, Ta ndikwe makani bubotu obo mbwa bikkidwe, nzila, na nguni nkwarzida, naa nkabungwe nzi nkwarzida, na obo muntu mbwali musongo, teelede kubikkila maanu ncobeni, kufumbwa cintu ciimpene ku Ijwi. Yebo uyanda kulemba Lugwalo olo, mba Galatiya 1:8. Mwabona? Paulo wakati, “Nekuba ndiswe, na Angelo kuzwa ku Majulu, uunga wakambauka kufumbwa cintu cimbi kunze lya Eci nco mwakamvwa kale, abe mutuke.”

Mu majwi aambi, ikuti na Angelo wamu boolela kuzwa ku Julu, Angelo kamweka kabotu, a uunga waima; mulombe, oyo inga waba namola wa buzuba bunu, embo na? I Angelo uumweka kabotu waboola kuno a kwiima, a kwaamba zintu zya kaimpene ku Ijwi; yebo wati, “Saatani, kozwa kuli ndime.” Mbubo. Ikuti na bishopo, ikuti na ngu. . . kufumbwa muntu mbwabede, muta soli ku musyoma ikuti na taambi kweendelana a Bbaibbele eelyo, Ijwi ku Ijwi. Amu mulangilile, uyo kutolelela a Bbaibbele eno. Uyo kutola ku busena bumwi, alimwi mpawo ku cihaka nkoonya kuya. Cindi mwabona Bbaibbele kalyaamba cintu comwe, nkabela weenguluka eco, amu mulangilile mpoonya awo.

Mwabona, eyo nje nzila nja kacita Eva. Wa kaboola aansini eni a kwaamba zintu zyoonse mbubonya buyo. “Ee, Leza wakaamba eci.”

“Mbo mbubo, Eva. Amen. Tula syoma eco, antoomwe.”

“Ee, Leza wakaamba eci.”

“Amen. Tula syoma eco, antoomwe.”

“Leza wakaamba eci.”

“Tula syoma eco, masimpe.”

“Ee, pele Leza wakati tuyo fwa.”

¹²⁹ “Ee, eno, nywebo mulizi kuti Ngu Leza mubotu.” Ta kaamba kuti Ta kaciti, nywebo mulizi. “Pele ncobeni . . .” Oh, mebo! Ngooyo mbwabede.

Elyo ikuti na wa kali mucengi mbuli boobo, a Bbaibbele lyakati, “Mu mazuba aku mamano uyo cenga Basale ikuti nicali kukonzeka,” mpaali mpo tweelede kuba sunu, beenzuma? Lino, ezi ziiyo ziniini zya kwiiya kwa Munsondo mbo zibede, zyelede kucitwa kabotu maningi, nywebo mulizi, ku myoyo yesu, ku bona . . .Twe elede kuswiilila kabotu loko a kubona nzila cintu eci mbo ceena.

¹³⁰ Amubone, tatu konzyi, tatu konzyi, swiilili ijwi lya muntu uuli oonse. Tatukwe makani obo mbwali musongo, obo mbwayiide. I Bbaibbele, mu Tusimpi, lilati, “Tu leelede kusowela aansu kubuzabuzya.” Mwabona? Lino, awa mu cilao eci cabili . . .

Cilao cabili ngu magano aako aa kubona, kulabila, kwaampa, kununkizya, a kumvwa. Ezyo zili mu mubili wako waanze.

Ku mubili wa mukati, uuli muuya, nku buzyabuzya a muyeeyo, a zimwi zimbi. Twe elede kusowela ansi koonse oko. Tokonzyi kubuzya, kwaamba, “Lino lindila, ikuti na Leza ngu Leza mubotu . . .” Elyo tu laambilwa maningi sunu kuti Mbwa bede. “Ikuti na Ngu Leza mubotu, mpawo ikuti Nda sinizya, nekubakuti Nse konzyi kubona eco mu Bbaibbele eelyo kuba ciluleme, nekubakuti Ndi sinizizye, Njo futulwa.” Yebo uyo sweeka. [Kabeela katakwe cintu aa teepu—Mul.]

¹³¹ “Ikuti na Nda inka ku cikombelo a kucita buyo zintu nze Ndi syoma kuti zili luleme, a kusola kuyuma kuli eco nce Ndi yeeya kuti cili luleme, ee, Nda . . .” Yebo uci swekede.

“Kuli nzila eyo iboneka kabotu ku muntu, pele mamano anjiyo ni nzila ya lufu.” Mwabona? Yebo toka futulwi; yebo uyo sweeka. Mwabona? Mwabona? Oyo weelede kuba Muntu wamukati weendelezya.

¹³² “Ee, Nda kaamba mu myaambo, Mukwesu Branham. Ee, sena tosyomi mu kwaambaula mu myaambo, Mukwesu Branham?” Nincobeni. “Ee, Nda koongoolola; sena tosyomi eco?” Iiyi, munene. “Ndi pona buumi bubotu bwa Bunakristo. Sena tosyomi muli eco?” Iiyi, munene. Pele nekuba eco ta caambi kuti waka futulwa. Yebo uli muntu mubotu; muntu, uunjoloma, wabulemu, uusalala mubotu.

Mboba kabede bapaizi abo, babukombi kucibeela cipati, babukombi loko kusikila omwe watakapandulula bweelede, inga waumwa mabwe calufu. I cisubulo ca lufu cakusanka Ijwi lya Leza lwakali lufu.

¹³³ Elyo nde penzi a cisi cesu sunu. I kaambo nco tujisi zintu zinji loko zipepuluka buyo mu nyika sunu, zisubulo tazili ziyumu kweelede. Ikuti na muntu wakajatwa kalyanankwela a mukaintu wa muntu uumbi, boonse beezele kutolwa aanze mu buleya a kuzibwa, yaa, kuleelela, a akulekwa. Mbo mbubo. Ikuti na muntu wajatwa kacita kufumbwa cintu cilubide, kunselelo ku mugwagwa, kaenzya maninigi, ta elede kupegwa myaka mice kuli iili kkumi; uli bwa- . . . bujayi bwakukanza. Mwabona? Naa mwabikka zisubulo mbuli ezyo, muyo kucesya.

Pele cindi situnzenyu umwi mumpelenge nakonzya kubweza cimwi *eci* awa aku ceenguluka, a kwaamba, “Ee, wa kali kunywa aniini, wa kali . . . takali kuyanda kucita eco.” Alimwi inga wajaya muntu, mukaintu, a nkamu yoonse ya bana takwe kaambo, kulekela Ricky kutasubulwa kuli ncico, oto ntunzenyu. Eyo ni nyika. Oyo ngu dyabulosi.

¹³⁴ Leza wakati na muntu wakajatwa mu mamambe, na mwanakazi, amubatole kubusena kuya a ku bauma mabwe calufu. Eco caka cibamba. Mwabona? Ikuti na wajatwa akwalo kabwezedede mukuli wa nkuni, aa buzuba bwa sabata, “Amu mutole a ku muuma mabwe.” Ba kaponena kuli nguwo kaindi. Elyo eno, mwabona, ta tukwe misyobo ya milao sunu.

Pele Munakristo, mbungano, eco nco Ndili mukwaambaula kuseeni oku, kuti mulao wa Leza uli mu moyo wako. Mwabona? Yebo tokwe nyota ya kucicita. Cili mukati awa. Yebo uyanda kubamba mulao wa Leza cakulondoka loko. Taakwe makani eco mbo cibede, yebo uyanda buyo eco. . . Ikuti—ikuti Leza uyanda cilyatilo ca mulyango, Walo uyanda nduwe kuba cilyatilo eco, yebo uli kkomene maningi kuba boobo. Taakwe makani obo mbocinga caba, yebo uyanda kuba cilyatilo. Mwabona? Kufumbwa cintu Leza nca yanda kuti ucite, eco ncencico nco yanda kucita, nkaambo ngu Leza. Lino, awo mpe mpawo mpojana ncobeni luyando lwako lwini, lwabwini, lwa ncobeni kuli Leza.

¹³⁵ Lino twa jana kuti mpawo, kuteeti, “I Angelo uunga wakambauka kufumbwa cintu cimbi,” kunze lya ceeco cakacitika, eco ca kaambwa kale mu Bbaibbele, “abe mutuke.” Taakwe muntu uukonzya. Takonzyi kucita eco; Ce elede kuba mbubonya buyo nzila Mbo lyaamba.

¹³⁶ Elyo alubo tula bala, mu Ciyubunuzyo 22:18 a 19, “Ikuti kufumbwa muntu wayungizya ijwi lyomwe kuli Eeli, na kugwisya Ijwi lyomwe kuzwa kuli Ndilyo, Leza uyo gwisya cibeela cakwe kuzwa mu Bbuku lya Buumi.” Mbubo. Leza uyo gwisya cibeela cakwe, nekubakuti mukambausi, kufumbwa mbwanga waba, a ijwi lyakwe. . . zina lyakwe lililembedwe mu Bbuku lya Buumi. Leza wakati, “Njo limwaya ncobeni,” mbo mbubo, “ikuti na wayungizya cintu comwe kuli Ndilyo, na kugwisya Ijwi lyomwe kuzwa kuli Ndilyo.” Eyo nje nzila Leza

uutakakilwi mbwa kabamba Ijwi Lyakwe. Mwabona? Yebo inga wayungizya ku cikombelo, na kugwisya ku cikombelo. Uta yungizyi ku Ijwi eelyo, na kugwisya kuzwa kuli Ndilyo, nkaambo Leza uyo gwisya zina lyako ncobeni kuzwa ku Bbuku Iya Buumi. Elyo, mbubo, wanyonyooka mpawo. Mwabona? Yebo tokonzyi kuyungizya kuli Ndilyo, na kugwisya kuzwa kuli Ndilyo. Lili buyo mbubonya eco. . .

¹³⁷ Ta liyandi sikupandulula, nkambo Bbaibbele lyakati Leza ulacita bupanduluzi Bwakwe Mwini ibwa Bbaibbele. “Talikwe bupanduluzi bwa muntu,” Petro wakaamba. Mbo mbubo.

¹³⁸ Elyo Magwalo oonse alapegwa Cabuleza, kabikkwa Cabuleza mu ncililano, alimwi cintu coonse ngu ciyubunuzyo ca Jesu Kristo. I Cizuminano Cakale a Cipyaa, awo mpo zya kasinsima Nguwe kuboala, eco Nca yocita cindi Aku sika kuno, a ceeco Nca yocita mu bukkalo obu buciza. Aboobo eco ci Mu bamba kuba mbobuca nguwenya, sunu, amuya myaaka. Mwabona?

Mbuli mu ba Hebrayo kuya, cindi Paulo naka lilemba. Ngu Leza, “Jesu Kristo kaindi,” wa Cizuminano Cakale. Mpali “Jesu Kristo sunu,” walibonya mu mubili wabuntu. “Elyo Ngu Jesu Kristo muya myaaka,” mu Muuya, “weelede kuboala.” Mwabona? Mwabona? “Mbobuca nguwenya, sunu, amuya myaaka.”

Elyo Ula pona lyonse akubamba Ijwi Lyakwe kupona eco Nco Iya kaamba kuti Liyo cita ku bukkalo obo. Ula pona.

¹³⁹ Wa kali muumi mu Cizuminano Cakale, katondezegwa. Ndi yanda buyo kumulekela kubona cintu cimwi ciniini awa, ikuti na inga mwa cizunda. Amulangilile, cindi Jesu naka tondezegwa mu Cizuminano Cakale, mbuli mbo tu cisyoma.

Lino, nywebo no bakambausi ku masena oko, inga mwa cikazya, amu cite kufumbwa nco muyanda, pele Ndi bandika kuli yangu. . . eco nce Ndi yeeya. Mwabona?

¹⁴⁰ Cindi Jesu naka tondezegwa mu Cizuminano Cakale, mu theofani, mu muntu wa Melikisedeki; kutali bupaizi, pele Muntu, Mwaalumi. Mwabona? Nkambo, oyu Mwaalumi taka zyalwa, pele Wa kali mu theofani, aboobo Ta kajisi wisi, naanka banyina. Wa kali Leza Mwini. Wa ka tondezegwa mu ciimo ca Mwaalumi, uutegwa, “Mwaami wa Salemu, uuli ngu Mwaami wa Luumuno, a Mwaami wa Bululami.” Mwabona? Wa kali Melikisedeki. “Ta kajisi wisi naanka banyina, a matalikilo aa mazuba na magolelo aa buumi.” Mwabona? Wa kali Jesu mu theofani, mu ciimo ca Mwaalumi. Sa inga mwazumina eco? Ncibotu.

¹⁴¹ Mpawo Wa kaba mubwini mu mubili wabuntu, a kukkala aakati kesu, mu Muntu Jesu Kristo Mwini, kazyalwa kuli Maria musimbi. Wa kaboola mu ciimo eco kutegwa Azo konzye kufwa, a kujoka ku Julu.

Lino mu mazuba aya aa mamanino, Wa kasyomezya kuli tondezya Mwini mu buzule alubo, bwa mubili Wakwe wabuntu, mu Muuya. Mwabona? “Nkambo mbuli mbo cakabede mu mazuba akwa Sodoma, mbubonya mbo ciya kuba mu Kuboola kwa Mwana wa muntu.” Lino amulange ku Sodoma, nzila mbo cibambidwe, a ceeco cakacitika. Elyo Jesu Kristo katondezegwa mu ciimo camubili, ca Mbungano Yakwe sunu, mwabona, kacita cintu nciconya, ncito njiyonya, zintu zizyonya ezyo Nzya kacita ciindi coonse, tasanduki pe, Umwi Uutamani. Mwabona? Elyo aa nyika sunu, Wa liyubununa Mwini mu mubili ya buntunsi, mibili ya buntunsi eyo Nja ita, a kucita ncobeni cintu nciconya Nca kacita mu ziindi zyakale, a mu ziindi zya mu mubili Wakwe wabuntu aa nyika. Elyo kacita cintu nciconya sunu, nkaambo, “Leza mu ziindi zyakale wa kaamba ku matata kwiinda mu basinsimi, mu mazuba aya aa mamanino kwiinda mu Mwana Wakwe, Jesu Kristo.” Mwabona, Mwana kali mukutondezegwa mu mazuba aku mamanino, Leza wa tondezegwa mu mubili wabuntu, kakkede kakutana buyo lunyonyooko lwa Sodoma, magolelo aa nyika ya Bamasi. Sa mwa cibona?

Nkooko kuyubunuka kotatwe.

¹⁴² Lino, cintu ciccilila cicitika, ngu cindi zyoonse zyangikwa mu Muntu oyo omwe, Jesu Kristo, Nabwiinga a Mubili, ku bweeda kwakunyama kwa Jesu Kristo. Kubamba ziindi Zyakwe zyoatatwe...Cindi Na kaletwa aansi; wakajaigwa, wakabambulwa, wakabusigwa. Kaliyubununa Mwini mu ciimo ca Mubili Wakwe, uuli ngu Nabwiinga Wakwe, Mwanakazi. Sa mwacimvwa? Walo ncibeela ca Mubili Wakwe.

Elyo mwanakazi a mwaalumi bala kozyanya loko buya, mane ba tandila buyo...Baba bomwe. Ba leelede kuba, akwalo. Mbaabo mbo babede, mwabona, ba tondezya buyo mbubonya bomwe. Walo ncibeela cakwe, nkaambo wa kagwisigwa kuli nguwe.

Elyo Nabwiinga sunu ugwisigwa kuzwa ku mubili wa Kristo, oyo uli mukubeleka a kucita mbubonya buyo mbuli Mbwa ka Ca amba kuti ciyocita mu buzuba bunu, Nabwiinga, Namalelo; Mwaami a Namalelo. Ncibotu.

Tuya bumuka eno, aboobo tuyo binda a kumanizya.

¹⁴³ Ncibotu, Bbaibbele mbolizulwa ngu ciyubunuzyo mbocizulwa ca Jesu Kristo, ku Mu zibya ku bukkalo abukkalu. Wa kali yubununa Mwini mu mazuba akwa Luther, mbuli ntalisyo; mbungano, tende, mauu.

Mbuli Mbwa kacita Mwaami Nebukadinezara; mula yeeya nzila mbwa kalota ziloto ezyo, a kuzwa ku mutwe kuyaansi? Mwabona? Lino Ula zwaku matende kuya kutala. Mwabona? Mu bwami bwa Babuloni Wa katondezya zyoonse ezyo zya Cizuminano Cakale, Wa kazwa ku mutwe kuyaansi, kusikila Wa kaboola aansi mane Leza Mwini wakali fungula mu

mubili wabantu ku tende lya matantilo. Lino kuno mu Cizuminano Cipyra, Ula lijosya Mwini ncobeni alimwi, ku Mutwe alimwi, Mutwe wa ngolide, ku kusamikwa musyini. Mwabona? Amulange. Sa mwacimvwa?

Mwabona, Leza wakali ku matalikilo, alimwi Wa kazumanana kuyaansi, kwiinda mu basinsimi, a kuzumanana aansii, kusikila Leza Mwini wakaba muntunsi mbuli ndiswe, kuyaansi kwini ku tende lya matantilo, Muvwanda wakazyalwa mu cilido; wakasulaikwa, wakakakwa, wakasampaulwa, a zina libi, a zintu zyoonse Mbwa kabede. Mpawo Wa katalika kunyamuka, mwabona, a kuzwa ku matende Wa katalika kuyaka Mbungano, Nabwiinga, ku joka, kuyabuya kusule; alimwi lino kulibonya mu Bbwe lyabweendelezi, oko zyoonse nko ziswaangana antoomwe a kubamba Mubili omwe mupati wakasandulwa wa Jesu Kristo.

¹⁴⁴ Leza kayubununwa mu bukkalo abukkalo kwiinda ku Ijwi Lyakwe lyaka syomezegwa ku bukkalo obo. Lino atu lange buyo ezyo zimwi zya zisyomezyo Zyakwe zya buzuba buno, kuciindi notuli mukujala eno mu majwi aya aa mamanino.

¹⁴⁵ Lino Leza uli mukuli yubununa Mwini mu ciindi ca Mumuni waku mangolezya. Atu lange eno. Tula bona . . .

¹⁴⁶ Ndi jisi buyo cikama ca Magwalo alembeledwe aapepa awa. Mbuli mbo mukozya kubona peegi eli, obo mbwali manji Magwalo alembedwe awo. Pele, tu jisi buyo maminiti aatandila ku kkumii aosanwe kutandila twelufu. Ndi yanda kukotoka. Alimwi Tii ndaba a jwi lyaanga, kuseeni oku, kwaambaula. Ziindi zimwi maeyakkondishina aya kuno andibamba kwaanga jwi ncobeni.

Aboobo ikuti na Mukwesu Neville ta . . . Sa kuli cintu cili cooonse ncojisi ca masiku sunu? [Mukwesu Neville waamba, “Peepe.”—Mul.] Ee, ee, Njo. . . Ikuti na cili kabotu, Ndi jisi cintu cimwi. Nda kajana cipakete ca misanga yatombwe, buzuba bumwi, ka cibikkidwe mu gani; nkabela Nda kajana Mulumbe kuzwa ku cipakete eco ca misanga yatombwe, wa masiku sunu, Mwami nawayanda. Mwabona?

Aboobo, Ndi jisi Magwalo awa. Elyo Ta ndiyandi kwiindilzya ciindi, kutegwa inga mwajoka.

¹⁴⁷ I cipakete ca misanga yatombwe, kwaambaula. Ncibotu. Nda kali kutalika kweenda kwiinda mu gani, elyo mpaawo kwa kalede cipakete ca misanga yatombwe, elyo Nda ka zumanana kweenda kuzwa. Nda kayeeya, “Ee, muntu umwi uuli aambeleyangu.”

Elyo Cintucimwi cakati, “Kojoka a kubweza eco.”

Nda kayeeya, “Kobweza cipakete ca misanga yatombwe? Kutali ndime.”

Cintucimwi cakati, “Kojoka a kubweza eco cipakete ca misanga yatombwe.”

Elyo Nda kaselemuka, kwakali cipakete cakaindi citakwe cintu, alimwi Nda kabona cintu cimwi. Njo mwaambila makani aco, sunu masiku, Mwami nawayanda. Ncibotu.

¹⁴⁸ Lino tuyo kanana kujatikizya Mimuni yaku mangolezya, kwa kaindi buyo kaniini. I Bbaibbele lilaamba zyakumbele kuti kuyo boola ciindi, nkoonya ku magolelo aa ciindi, kuti zuba liyo libonya, alimwi kuyooba Mumuni waku mangolezya. Toonse tulizi eco. Ta tuzi na? Swebo, tuli. . . Swebo bazi kabotu Mulumbe wesu sunu kuzwa ku Mwami Jesu, tula syoma kuti kuyooba Mumuni waku mangolezya. Elyo oyu Mumuni waku mangolezya. . .

Mubwini, Mumuni mupati uyo boola cindi Jesu Mwini akuyubununwa awa aa nyika, na kutolwa ku Majulu, kutola Nabwiinga Wakwe, elyo mpawo Mileniamu iyo talika.

¹⁴⁹ Pele tu jisi cimwi ca ziindi ziyoosya maningi zya kwiinda mo, eco cakasolwa kubikkwa kumbele lya bantunsi. Elyo Ndi lindila buyo oora, alimwi tula konzya kujana. . . bantu boonse inga bajana ciindi awo mpo mukotoka ku ncito akumana mazuba masyoonto, alimwi inga twa yaka aa busena bumwi awo mpo Ndi konzya kukanana a Zipenzyo eezyo a zintu zyeedelele kuwida mu mazuba aa mamanino; a kuleta cakubinda kutandila mwiki zyobile na zyoatatwe, a kuleta eco antoomwe, ikuti na Mwami wandi zumizya kupona ku cicita a kundinanika kucita boobo, mwabona nzila zintu ezyo mbo yonjila, a yeeyo Mizumo. Mpawo muyo ziba eco muntu oyo a bantu nzoba kali kulota, a zintu ezi zyoonse, ciyo citika; mwabona, muyo zibona ku yubununwa, Muzumo oyo mupati kauboola kulibonya kuzwa ku—kuzwa ku milengalenga. Lino, mubwini, nkamu yoonse ya ndinywe, nywebo mulizi kuti Ndi zyi eco calo—eco calo nco caamba, nywebo mwabona. Elyo, pele atu lindile buyo mane ciindi ciboole, nywebo mwabona, nkambo ceelede kuba, mwabona, eno, alimwi ciyooba loko mu ciindi ceelede.

¹⁵⁰ Lino, aboobo tuyo bala amwi a yaaya—yaaya Magwalo mukati awa. Lino, mu Mimuni yaku mangolezya yaboola, eno, tula ziba kuti uyooba Mumuni nguonya oyo wakali cifumo.

Nkaambo, kwiina zuba lyomwe kuseeni a zuba limbi isikati. Ndi zuba lyomwe. Zuba lyomwe eelyo mu isikati ndelili kuseeni; ndilyonya kuseeni mbuli isikati.

Lino, Li lati, “I buzuba bulikke,” buzuba aakati ka ciindi eco, “kuyooba musyobo mbuli, oh, mbuli buzuba, busiyasiya abwa mudima. Tabuka konzyi kwiitwa kuti buzuba na busiku, aakati ka eco.”

¹⁵¹ Mwabona, oko nkwaamba Mubili, kuzwa ku matende, kuya atala. Cindi Na kali ano aansu, Wa kali Mwana, Bumwesi, mpawo Wa ka jaigwa. I Mbungano yakabweza busena Bwakwe, mpawo

bube bwakujaigwa nkaambo kabukombi a kwiinda mu Makkalo aa Musinze, a kutalika kuyaka aa ntaliso kulibonya. Mpawo mpaali kukubona nko kuzwida? Aatala lya mutwe.

Mwabona eco cilengaano; ca Nebukadinezara? Mwa Mu bona kayaansi, kuzwa ku matalikilo aa bukkalo bwa Bamasi Bulowa kabutana tilwa nkambo kabo a kubamba mulungo. Ba kali basanduki baka njizigwa. Pele amu cibone cakaunka nkoonya aansii, nkoonya aansii, nkoonya aansii ku tako, mu cikozyano, mwabona, ka cileta aansii.

Mpawo caka talika kujoka ncobeni, kacijoka, Mbungano kujoka kuzwa ku matende, kuboola atala. Lino cili muciiindi caku mutwe—ciindi caku mutwe. Lino amubone Mumuni.

¹⁵² Yebo tokonzyi kubona kubelesya maanza ako, kakuli ncibeela ca mubili. Yebo tokonzyi kubona kubelesya matwi, kakuli inga amvwa. Yebo tokonzyi kukubona kubelesya mpemo yako, kakuli ilanunkizya. Yebo tokonzyi—yebo tokonzyi kubona kubelesya milomo yako, pesi ilaambaula; mwabona, obo bwakali bukkalo bwa Pentekoste. Pele eno nciindi ca liso, ku kubona. Mwabona? Lino, kwiina ciimo cakuyeeeya comwe cibelega kwiindilila liso. Sa eco cililuleme?

I ciccilila mbupampu, buli ngu Kristo Mwini, Oyo weendelezya Mubili oonse.

Kwiina kweenda, kuputa kwiindilila eco. Mwabona? Zintu zyoonse zimbi zyeenda. Mwabona? Kweenzya matende ako, kweenzya milambi yako mauulu ako, kweenzya zintu zyoonse. Kweenzya zyako... Matwi aako inga aputa, mpemo yako, milomo yako, a zimwi zimbi. Pele kwazwa meso aako, kwiina cintu ceenda.

Ako nkekaambo nco bataminina kuti baalumi balaba a lubala cakubinda, ngu kaambo, mwabona, kwiina kunyanyaazya kwa mubili kuyaka milambi mu—mu masusu, lukanda lwa kumutwe. Mwabona? Elyo ta cicijisi cikwabilisyo kutegwa bulowa busike kutala mukati muya. I bulowa tabukonzyi kupompa kwiinda muya, mwabona, tabukonzyi kupompa mujulu a kuzuzya bulowa. Mubwini, i—i miyanda ya masusu iponena ku bulowa.

Elyo eno tu jana kuti eco nce cibeela, nywebo mwabona, kwiina cintu kwiindilila liso.

¹⁵³ Lino atu lingule. “Kuyooba Mumuni” (kutandila kalangabwaaseme?) “ku ciindi caku mangolezya!” Ino Mumuni utuminwa nzi? Kutegwa ukonzye kubona oko nkobede... nzila yakusika koonse. Sa mbo mbubo? Mwabona awo mpo mubede. “Kuyooba Mumuni kutandila ciindi caku mangolezya.”

¹⁵⁴ Lino, tu bweze eco eno a kuceezyanisya kuya a Malaki 4. Wa kasyomezya kuti kuyooba Mumuni uyo boola alubo mu ciindi caku mangolezya, mwabona, “Nkaambo, amubone, Njo

mutumina Eliya musinsimi, nkabela uyo boozya i—i bana kuya ku matata, a matata kuya ku bana,” (sa mbombubo?) “kutegwa Nta booli a kuzoumya nyika lutuko.”

¹⁵⁵ Lino atu bweze Johane na...Musalali Luka 17:30, a ku langilila eco Jesu nca kasinsima kuya, kaamba kuti, “Mbuli mbo cakabede mu mazuba akwa Sodoma, ci yooba mbubonya. . . .”

Lino amuyeeye, amubone, eci nce ciindi oyo Mwana wa muntu nayo yubununwa; kuyubununa Mwana wa muntu. Lino, Mwana wa muntu mubwini wakayubununwa mubube bumwi, kwa ziindi buyo zisyoonto kuya, kakutanaba buyo kutentwa kwa Sodoma. Lino, oyo Mwaalumi wakali Elohimu. Oyo wakali Leza; alimwi Jesu ngu Leza. Alimwi Leza waka yubununwa mubube bumwi nkoonya kuya ku ziindi zisyoonto, kuti ambaule kuli Abrahamu, mu lubeta lwakulingula. Ku kaniini buyo, Mwana wa muntu waka yubununwa; Mwana wa muntu, Elohimu. Sena wacibona, mbungano? [Mbunga yaamba, “Ameni.”—Mul.] I Mwana wa muntu, Elohimu, waka yubununwa kwa maminiti buyo masyoonto. Nkambo, kuseeni nkukonya kwa kaccilila yakali kupya, (cindinzi?) zuba kalitana zwa alimwi.

Aboobo taku konzyi kuba kabunga kasyaala, nanka kukonzya kuba kusumpuka aambeke kwiinda eco cili mukucitika ndyoonya eno, nkambo iyopya buzuba kabutana pasuka alimwi. I lubukulussyo lwa mana, ku cisi coonse. Takukabi lubukulussyo lumbi, lubukulussyo lufumpa ncobeni; cisi eci taakwe nocaka lutambula. Nywebo inga mwaba a kubungana kwa bupampu. Pele, Nda amba, lubukulussyo lwa Malembe, twa kabona koonse kwa ndulo. Nda syoma mula cijata. Ndili muku caamba mu nzila boobu eyo—eyo Nje ndi syoma kuti mula cimvwa. Mwabona? Lwa mana.

I mukambausi mubotu wakati, kaindi kasyoonto kakainda, kati, “Mukwesu Branham, ikuti Nda konzya buyo kuba a lutangalo lwa Mwami mu moyo wangu!”

Nda kati, “Mulombe, lubukulussyo lwakamana.” Mwabona?

¹⁵⁶ Lino zintu zibombomeka zya bikkwa ku bwaato. Mayuwe mapati ayoosya ali ku busena kuno kumbele lyesu; pele tu lizyi, kwiindilila buyo yuwe eelyo kutala, tuya buswena ku nkomwe. Mwabona? Tuya buswena ku nkomwe. Amu sitikile buyo. Amu kkale buyo mu Ijwi. Amukkale a Leza. Taakwe makani nzila mbo limvwa, eco cintu coonse cimbi; amu kkale a Ijwi. Amu—amu—amu cileke cibombomane, cindi nywebo mwabona makumbi aya oonse mapati ncobeni akaindi a tu zungulukide, maguwo amvula alaboola, a mabbomba aatomiki, a zintu zyoonse zimbi nzo bali mu kwaambaula. Pele cibombomanisyo cesu cili luleme ncobeni mu Ijwi. Leza wakati ciyooba kuno; uyo pwayaula oonse azyo. Iiyi, tuyo atantalika. Iiyi, ncobeni! Ta, taa konzyi kutubbizya. Taa konzyi kutunyikizya. Wa tubikka mu cuumbwe; tuyo zwa alubo. Kwa mana koonse kuli ncico. Takukwe nzila mu

nyika ya kucibamba kuyaansi kuya. Tuyo pwayaula oonse aawo, nkaambo Silutwe wesu Mupati wini ulaita ku lubazu lumbi.

Tuli jatilide muli Jesu, maguwo amvula aa
buumi Njo kakatila;
Nda jatilila muli Jesu, Nse yoowi guwo na
yuwe;

¹⁵⁷ Kufumbwa cintu mbo konzya kuba, a ciboole. Cinga caba, ci yooba, tacibambi lwandaano luli loonse. Twa jatilila moonya muya muli Jesu. Ikuti na Nda pona, Njo pona ku bulemu bwa Leza. Ikuti na Nda fwa, mpawo Nda fwa ku bulemu bwa Leza. Ndi—Ndi—Ndi yanda buyo ku . . .Nku bulemu bwa Leza, nko Ndi yanda kucita. Cindi eco coonse camana, Ta ndiyandi kucikkala ciindi cimbi. Ndi yanda kuunka ku busena . . .ku bulumbu bwangu obo Mbwa kanduulila; kutali eco nce Nda kabelekela, pele obo Mbwa kanduulila, eco Nca kandipa ku luyalo Lwakwe.

¹⁵⁸ Aboobo tula bona Mumuni waku mangolezya uli awa. Alimwi ino cicitanzi kuba a Mumuni, ikuti na tojisi meso aali oonse kubona nzila kusika koonse muli Nguwo? Niinzi Mumuni waku mangolezya? I Mumuni uboolela, ku yubununa cintu cimwi. Sa kuli luleme? Ikuti na kuli cintu cimwi *kuno*, ncomvwa nkabela to cimvwi na ncizi, mu mudima, nkokuti koyasya malaiti. Ayo ciyubununa! Niinzi Malaki 4 ncoelede kucita? Mwabona? Kucita cintu nciconya. Kwakali nzi kujulwa kwa Zinamatizyo zili Ciloba, awo tubungwe oto toonse mpo twaka yeeyelabuyo konse muli eci . . .? . . .Nku yubununa, kutondezya. Ikuti na tojisi meso ali oonse, mpawo cigwasyanzi ku yubununa? Kweelede kuba meso, kusaanguna, a kubona. Sa cili luleme? Tu yubununa Malaki 4, yubununa Musalali Luka 17:30, Musalali Johane 14:12, ayalo Johane 15:24, 16:13. Elyo akwalo kuyubununa Ciyubunuzyo 10:1 kusikaku 7, kujulwa kwa Zinamatizyo zili Ciloba, alimwi Mulumbe wa angelo wa ciloba; ku kujula, ku yubununa, cindi Mumuni waku mangolezya waboola. Lino ikuti na muntu . . .

¹⁵⁹ Mu Bukkalo bwa Laodikeya, bantu bakali (nzi?) “cinswe.” Mbo bade na? “Boofu.” Ino ugwasyanzi Mumuni ku muntu moofu? Ikuti na moofu usololela moofu, sa boonse taba kawidi mu cidindi? “Bacinswe, boofu, elyo ta cizyi.” Akwalo bube bwakuyeeya kwabo kuli nyonyookede, bube bwakuyeeya kwabo kwa kumuuya, kumvwisya kwa kumuuya. Mwabona?

“Basikainya, basikulisumpula, basikuyanda misaalo kwiinda basikuyanda Leza; bajaya zipangano, basikulengelezya twaambo, batakkutili, a basikubisya abo babotu; bajisi ciwa cabukombi, pele bala kazya Nguzu zya mbubo.” I nguzu zya ciyubunuzyo; taba syomi akwalo muli ncico. Mwabona? Taba syomi mu zintu zili boobo mbuli basinsimi. Alimwi mbubonya

taba syomi muli ncico. Ba syoma kuti—kuti Malaki 4 yeelede kuba mbungano imwi na kabunga kamwi.

Cindi na kaboola lweendo lutaanzi, wa kali muntu. Cindi na kaboola lwabili, a cibeela cabubili, wa kali muntu. Cindi na kaboola mu ciimo ca Johane Mupatizi, wa kali muntu. Mwabona?

Mu mazuba aa mamanino, cindi Mimuni yaku mangolezya yatalika kumweka, meso ayo juka nkabela muyo bona awo mpo mweendela. Mpawo Mubili ubambidwe kale, kawii mvwi aa matende awo, kauli mukweenda, kweenzegwa aa Muuya Uusalala. Ninzi? I Walo nguwenya wa keenda aa basinsimi abo baka lembe Bbaibbele, nguonya Muuya Uusalala kaweenda mu Mubili uuzwide Muuya Uusalala, kweenzegwa mu Muuya Uusalala, kuzwa mu tubunga toonse, misyobo, myaambo, a bantu boonse.

¹⁶⁰ I mulindu muniini kuno, ta zulilwi mu kabunga aka, na kabunga aka . . . uzulilwa mu mbunga eyi. Walo uzwa ku busena bumwi bumbi, alimwi waa boola kuno kuseeni oku, bweza cifoto kuya. Waa li . . . cipa ku mwana wangu mulombe, oyo wagambwa maningi. Ta ndizi na waa kasola kumvwa kujatikizya Eci na pe. Ta ndizi. Waa kajisi cifoto ca Angelo oyu wa Mwami oyo wakali aa Makkalo aa Mbungano zili Ciloba, Zinamatizyo zili Ciloba zyakajulwa, ku busena kuya, cindi ni cakacita. Kati, kalanga kunze kuya, nkabela waa kabona eco kaciimvwi mu mulengalenga, mu ciloto. Elyo waa kalanga kunze kwiinda muya a kubona eco, kabona muntu kasamide zituba, kamacing'a kuya kunembo; a kunze lyaco, kati cakali kuboneka . . . Kati, "Mukwesu Branham, wakali nduwe." Elyo kati, "Kamacing'a mukati muya," kati, "kusule lyako, kwakali bantu iba mibala yandeene, kaba jisi ndembela; Georgia, Alabama, masena oonse a misyobo yandeene, macing'a kuya kunembo," kaboola mu bweendelezi oko Kristo nkwakali ku yubununwa mu cilengaano. Oh, aleluya!

¹⁶¹ Tuli ku mazuba aku mamanino, alimwi maora aa mamanino ku mazuba. Sena mwa Mu bona eno mu Ijwi Lyakwe, alimwi lyoonse Ijwi Lyakwe lya tondezegwa nkoonya kuno kumbele lyesu? Oh, Mbungano ya Leza mumi, ko imikila, ko Mu syoma a koonse oko kuli muli nduwe. Jatilila ku Vwili eelyo liniini mukati ka vwili, Li lekele lisitikizye bweende boonse a kuputa koonse oko nko bamba. Miyeeyo yoonse eyo njojisi, akube kuti yeendelezegwe ku Ngazi eyi mukati ka nduwe. Nkaambo, Leza uli kkede moonya mu Ijwi Lyakwe lya oora eli, mu Mumuni waku mangolezya, kutondezya Mumuni.

¹⁶² I boofu bwa kampaafwa! Inga wayasya mumuni, nkabela kampaafwa—kampaafwa inga kaofwaala maningi cakuti inga kakacilwa kuuluka. I tumba uuvuuma, boonse aba balukumba, a

zintu mbuli eco, mapempya a zintu, tazikonzyi kubona mu ciindi casikati. Ta bazyi eco mbo cibede coonse. Ta zikonzyi kubona.

Elyo Mimuni yaku mangolezya yaboola aa busena. Zikozyano zyoonse, masena oonse nko tuya, ku bulenge, ku Bbaibbele, ku i—i cibumbwa kuti Melike- . . . eco Daniele nca kabona, alimwi—alimwi mwaami wa buzuba obo, boonse babo bakabona; alimwi zintu ezi zyoonse, bantu boonse, ciimo coonse, mulimo oonse, masena oonse mu Mubili, munzila ya busena kutondezya oora ndilyonya ndo tupona mo. Kutali bweende bumbi bukozya kuboola aatala aali ncico.

Kwakali bweende bwa janza; luyandisyo, Wesley. Kwakali bweende, bwa ntalisyo; Luther. Luyandisyo, kwakanyina mupati kwiinda; wakali kutegwa mulimo wa Wesley. Ba katuma mamissionari ku nyika yoonse. Umwi wa milimo mipati loko eyo yaka bambwa, mu bukkalo kakutanaba obo.

Mpoonya kwaboola bukkalo bwa Pentekoste; mpoonya kwanjila tunwe twandeene a zintu, bukkalo bwa Pentekoste, bwa myaambo, a mpemo, a zimwi zimbi.

Lino buli mu meso. Mbutu nzi mboya kuyandila meso, na kuyanda mumuni, ikuti na meso taako kuti abone? Ku leelede kuba meso, lutaanzi, kubona. Elyo mpawo cindi eco casika, Wa kajula Zinatizyo zili Ciloba a kuyubununa Mumuni waku mangolezya, kubweza makani aasisidwe oonse ayo akasisidwe mucindi coonse ca makkalo aya aa mbungano, alimwi lino ayubununa kuli mbabo mbuli Mbwa kasyomezya kucita mu Ciyubunuzyo 10:1 kusikaku 7. Mpaawa mpo tubede sunu katu kkede aakati ka Ijwi, a Ijwi kaliyubununa kuli ndiswe kwiinda kuli Jesu Kristo. Mpawo, *Eli* ndi Ijwi Iya Leza.

¹⁶³ Elyo amube balelwa Bakwe, twe elede kweenda muni kuli Mukamwini, kuti tu Li mvwisye, ku Li ndilyo kuyubununa. “O Mwami, ino Uya nda nzi kuti mebo, ndi cite? Ikuti na Nde elede kwiinka ku masena ancito a kukambauka Makani mabotu, na Nde elede kuba ku ng’anda? Takwe makani mbo cibede, ikuti Nde elede kuba mukaintu wa mu ng’anda mubotu, ikuti na Nde elede kuba mutumbu mubotu, ikuti Nde elede kucita *eci*, *eco*, na *cimbi*? Kufumbwa cintu mbocibede, ikuti na Nde elede kuba mulimi, ikuti na Nde. . . Kufumbwa cintu mbocibede, Mwami, eco Nco nga wayanda kuti Ndi cite?”

¹⁶⁴ Sa tacili eco Saulo nca kaompolweda kunselelo kuya, “Mwami, ino Uya nda kuti ncitenzi?” Wa kali kunselelo ku ci- . . . aa mugwagwa kunselelo ku—ku yobikka cikombelo coonse mu ntolongo. Pele mpawo wa kaompolola, “Ino Uya nda kuti ncite nzi?” Cindi Mumuni niwa kamunika, mbuli Musumpululu wa Mulilo mupati kaulengelela aali nguwe. “Ino Uya nda kuti ncite nzi?”

¹⁶⁵ Ndi yeeya kuti eelyo ndi bbala bbotu Iya kujalila, a kwaamba, “Mwami, ino Uya nda kuti ncite nzi? Cindi Nda bona

Lugwalo olu lwa yubununwa cakulondoka loko ndyoonya eno; Mwami, ino Uya nda kuti ncite nzi?"

Atu kotamike mitwe yesu.

¹⁶⁶ Nda buzya bantu boonse mukati muno kulingula myoyo yanu eno a kubuzya mubuzyo oyo, "Mwami, ino Uya nda kuti ncite nzi?" Alimwi nywebo no bantu, naa mucili ku mawaya ama telefooni koonse ku masena a cisi, kotamika mutwe wako a kubuzya, "Mwami, ino Uya nda nzi kuti ncite? Kubona kuti tuli kuno mu mazuba aku mamanino a maora aa mamanino, cakulondoka buyo loko kumbele lyesu, aboobo kuyubununwa cantaangalala, ino Uya nda kuti ncite nzi?"

¹⁶⁷ Oyandwa Leza, kuciindi nobali mukubuzya Nduwe mubuzyo oyo; Nda libuzya, lwangu, kuli Nduwe, eco nconga Wa yanda kuti ndicite, Mwami, mbuli mbo Ndi mwisya kuti buzuba abuzuba bweelede kulanganisigwa. Elyo Nda lomba kuti Uyo ndigwasya, Mwami, kuona obo buzuba abuzuba, buyo langanisigwa ku bulemu a lulemeko Lwako.

Nda lomba kuti Uyo gwasya bantu boonse koonse ku cisi, abaabo kuno abo baliko mu cikombelo mbuli mbo tulingula myoyo yesu a kwaamba, "Mwami, ino Uya nda kuti ncite nzi? Ino ncizi ncenga Nda cita, Mwami, kusumpula Bwami Bwako a Cintu Cako ceelede kwiimininwa?" Ko cipa, Leza.

Tuli ngule, myoyo yesu, a ku tusoleka. Ikuti na kuli bubi buli boonse muli ndiswe, Mwami, kufumbwa kuliyaanda, kufumbwa kuyandisya a makanze mabi, O Leza, ko tusalazya a Bulowa bwa Mwana Wako, Jesu Kristo, oyo ngu tu tambula cabubombe mulungo Wakwe wa lufu lwakwe a bubuke Bwakwe. Alimwi mukuba baka lulamikwa kwiinda ku kusyoma eco Nca kacita, twa tambula mukukondwa makanze a lufutuko olo Ndwa katupa, kuli ndiswe.

Taata, twa Ku lumba nkambo ka Mulumbe wa buzuba, oyo ngo tu syoma a oyo ngo tu jatilide, ku ziba a kusyoma kuti ndi Ijwi Lyako a Mulumbe Wako. Kutali kuba wiimpene kuzwa ku bantu bamwi, pele kusola kuba akunji mbuli Jesu Kristo Oyo uuli mukozyanyo wesu.

¹⁶⁸ Oyandwa Leza, kubikkidwe awa ntutambala, alimwi kuli bantu bacisidwe ku masena oonse. Alimwi Mebo lwangu, Mwami, nda katala a kudekela, kuseeni oku. Nda lomba kuti Uyo tu gwasya, oyandwa Leza. Tu langila kuli Nduwe kuba a nguzu. Uli Nguzu zyesu. Yebo waka tu gwasya kapati, oyandwa Leza.

¹⁶⁹ I buzuba bumwi, kandi yeeya kunselelo ku mu magani, nkeenda koonse a Mukwesu Banks Wood, cindi madokotela. . . Moyo wakwe wakali mu ciimo cibyaabi loko cakuti wakajisi buyumuyumu kweenda koonse. Mpawo kuyeeya nzila Mebo. . . kuniini nko Nda kazi kutala kuya, nkeenda mu malundu ayo kumane cilengaano eco, "Nde elede kujaya mulavu oyo. Nde elede kubona kuti mulavu wajaigwa."

Elyo mpawo kuselemuka kuya, alimwi nkeimvwi kuya mu Tucson, ku Cafeteria ya Furr, a kubona zisani zyakwe zyoonse kazibikkidwe mu bbeeke aansi, meso aakwe kalandabala. Kati, “Leza, ikuti na inga Wa tondezya cilengaano, awo mulavu mpabede, masimpe Yebo inga watondezya kujatikizya Mukwesu Wood.”

Elyo mpawo caka boola, “Kobikka maanza ako aali nguwe.”

Elyo mpaawa nkwali sunu, kajoka, Mukwesu Banks wesu alubo, muyumu, kazuza koonse akoonse ku malundu. Obo mbotu Ku lumba, oyandwa Leza. Yebo nduwe Leza nguonya kuli ndiswe toonse mbuli mbonga Waba ku Mukwesu Wood. Ndi lizi Ula muyanda, nkaambo mulanda Wako, uusyomeka a usinizizye.

¹⁷⁰ Elyo Nda lomba, oyandwa Leza, kuti Uyo beleka a umwi amwi wesu, a kujatila zibi zyesu, a kuponya malwazi esu aa mibili yesu. Ko tubamba kuba kunji mbuli Nduwe, buzuba a buzuba, Mwami, mane tu njile mu ciimo cizwide ca Jesu Kristo. Ko cipa, Mwami. Nda syoma kuti Uyo lingula myoyo yoonse, eno, alimwi tu lizyi eco cakucita. Twa Ku lomba kuti utuleleke eno, mu Zina lya Jesu.

¹⁷¹ Elyo kuciindi notu kotamikide mitwe yesu, sa kuli uuli oonse muno uuliko, na ku masena mu i—mu cisi ca mafooni koonse ku cisi, oyo unga wayanda buyo, kuciindi notukomba, a mutwe wako kuukoteme, konyamuna buyo janza lyako mujulu kuli Leza eno. Kwamana koonse nko konzya kucita; bantu bali syankene mukati muno kuseeni oku. Konyamuna buyo janza lyako mujulu kuli Leza, kwaamba, “Leza, ko ndibamba kukozyanya loko mbuli Jesu. Ndi—Ndi yanda kukozyanya loko mbuli Jesu.” Leza aku longezye. Ku masena mu nyika yoonse ku cisi, maanza buyo ku masena oonse, nkamu ya bantu buyo mpati iisyomedwe. Akwalo, lyangu lya nyamunwa. “Ndi yanda kukozyanya loko mbuli Nguwe. Ndili ngule, Mwami, a kujana na kuli bubi buli boonse muli ndime; bu gwisye. Ndi—Ndi yanda. . .” Cinzi? Tuli kookuno buyo kwa ciindi cilamfu, nekuba tuyo siya naa uli. . . naa, takukwe makani obo mbobede, obo mbo vubide, obo mboli mucete, obo mboli mukubusyi, obo mbo cembeede.

¹⁷² Kandiiimvwi jilo ku nkamu i—i ya bantu yabucete, niini kuya kutala mu cilundu, kunselelo ku i. . . ku kalonga. Kwakali mukwasyi muniini kuya, muntu ngo Nda kali kwaambila zya Leza, kwa ciindi cilamfu. Kaselemuka, mukaintu wakwe muniini, bana bali ciloba na lusele; walo, muntu muniini, mulamfu uukotede, ku busena kuya kaba sola kubeleka, madollar masyoonto a buzuba. Elyo mwaalumi wakamulekela kukkala mu kaanda kagalangene kaniini. Elyo kuya mukaintu wakwe kutala kuya, katandila kuba a mwana umbi, alimwi waka jisi kaleba kapati kapapalete kuya, kapandula nkuni, ku kakwela aansi; muvwanda aa kasolo kakwe, kakwela nkuni a umwi; kaselemuka kuyo gonka nkuni ezyo, kubikka mumbu

mu tugabba, kuli lesya kufwa nzala mu ciindi ca mapeyo. Ma, obo mbo twa kausa nkambo ka nguwe! Mukwesu Wood a Mebo kainka a kuleta mootokala, a kwiinka kuya a ku mugonkela nkuni, a ku zinjizya. Walo, mwanakazi muniini sikulumba, kaimvwi buyo awo. Nda kausa nkambo ka nguwe. Elyo twa kazumanana ku bakombela.

¹⁷³ Elyo muvwanda wakwe muniini wakajatwa kasuntu. Twa kaunka a kukombela muvwanda muniini, nkabela Leza waka muponya. Elyo buzuba bumwi, mulumi wakwe wakaciswa heniya, elyo kanjila . . .

Nda kali kwaambaula kuli nguwe. Wa kali kufweba, boonse babo. Wa kabelesya tombwe, nkabela wa kacita, awalo, musyobo wini wa bantu ba mu malundu. Eyo mpawo Nda kazumanana kwaambaula kuli mbabo kujatikizya ncico. Alimwi ijilo kuseeni cindi ni Nda kanjila, kutandila ku bucedo, mpaawo wa kaboola keenda ku busena, kajatilide maanza akwe antoomwe, a kwamba, “Mukwesu Billy, Ndi muntu uucincidwe.” Wa kati, “Nda fweba musanga wangu watombe wa mamanino, nkabela Ndili ku lubazu lwa Mwami.”

Waa kati, “Nda zwaa kufweba umwi wangu wa mamanino, ambebo.”

Oh, kusyanga mbuto! “Mebo nde Mwami ndaka tilila. Njo itilila isikati a masiku, kutegwa bamwi bata cikwempi ku maanza Aangu.”

¹⁷⁴ O Leza, koba siluse eno, Nda lomba, alimwi kotupa kuyanda kwa myoyo yesu, nkaambo mu myoyo yesu tu yanda ku Ku belekela. Lino, Taata, boonse bali mu maanza Aako, masena oonse. Balo mbana Bako. Kobeleka ambabo mbuli ku luse, Mwami; kutali mu lubeta, pele mu luse. Twa lomba mu Zina lya Jesu. Amenii.

¹⁷⁵ Mula Mu yanda? [Mbunga yaamba, “Amenii.”—Mul.] Moyo wanu oonse! Lino, nywebo nomu jisi tutambala, inga mwa tubweza.

Elyo eno, kuswaangana kwesu, Ndi yeeya kuti kulatalika kufwambaana aniini, seveni okuloko, na cintu cimwi mbuli obo. Mukwesu Neville ula caambilizya, ku kaindi buyo kaniini, kujatikizya cindi cakutalika.

Sa kuli lubapatizyo, Nda yeeyela, kuseeni kuno? [Mukwesu Neville waamba, “I maanzi alibambidwe.”—Mul.] I maanzi alibambidwe, ikuti na muntu umwi kuno alimwi tana bapatizigwa mu Zina lya Mwami Jesu Kristo wesu, baa, cili masimpe . . . Maanzi alibambidwe ku mulimo wa lubapatizyo.

¹⁷⁶ Twa lumba bakwesu boonse bakambausi. Nda bona Mukwesu . . . Wali buti muswaangano wako, wakazwidilila kabotu, Mukwesu Parnell? Alimwi Mukwesu Martin, a, oh, banji loko babo kuno, Mukwesu Lee Vayle. Oh, kuli buyo bakambausi

ku busena boonse. Twa lumba ncobeni kuba a ndinywe kuno, kuba a luswaanano a ndiswe ku Ijwi.

¹⁷⁷ Ndiza inga to zuminana a ndime kwini buyo aali Eci; ta ndikulombi kucita, yebo wabona. Cintu buyo, weelede buyo ku Ci yeeya kabotu. Eco nco ndaambila, Nda ciyeeya kabotu. Ikuti na bakambausi bayo bweza teepu, alimwi bati, “Ee, Ta ndizuminani.” Eco cili kabotu, mukwesu wangu. Yebo inga koli mweembeli wa mbelele zimwi; ula—ula basanizya cintu cili coonse eco ncoyanda.

Ndili mukusoleka mbwekonzya maningi ku kkala a Ijwi, kuli baaba abo baka bikkwa mu maanza aangu nkambo ka Leza, nkaambo mbelele ziyanda cakulya ca mbelele, mubwini. “Mbelele Zyangu zila mvwa Jwi Lyangu.” Alimwi eco ncencico nco tuponena, Ijwi lyoonse lizwa . . . Nokuceya . . . Kutali buyo Ijwi eno ku ciindi aciindi; pele Ijwi eelyo lyoonse lizwa ku mulomo wa Leza, eco ncencico basalali ncobeelede kuponena.

Atwiime eno ku matende esu. Kuciindi no tukotamika mitwe yesu . . .

Elyo Mukwesu Neville, sa ujisi cintu cimwi caku baambila? [Mukwesu Neville waamba, “Peepe.”—Mul.] Mukwesu Mann? Ncibotu.

Bantu boonse bamvwa kabotu na? Amwaambe, “Ameni.” [Mbunga yaamba, “Ameni.”—Mul.] Ncibotu.

Lino atu kotamike mitwe yesu.

Ndiyo lomba Mukwesu Lee Vayle ikuti aboole atala awa, na inga wacita. Walomwa ku boola kuno, Mukwesu Vayle, ikuti na inga wacita.

Mukwesu Vayle mukwesu wesu kuno, mulembi wa mabbuku. Alimwi uli mukucita bbuku kuti libambwe eno, *I Makkalo Aa Mbungano Aali Ciloba*, a kubeleka a *Zinamatizyo Zili Ciloba*. Elyo calino tulangila kuba angawo kuti azwe calino maningi. Ncibotu. Mukwesu Lee Vayle.

Leza aku longezye.



KRISTO ULA YUBUNUNWA MU IJWI LYAKWE MWINI TNG65-0822M
(Christ Is Revealed In His Own Word)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa Munsondo kuseeni, Iwivwi 22, 1965, ku Branham Tabernacle mu Jeffersonville, Indiana, U.S.A., wakagwisigwa kuzwa ku rekordi yamagnetiki a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa akumwaisigwa aa Voice Of God Recordings.

CHITONGA

©2017 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org